



10839

崇川各家詩鈔彙存卷十六

里人王藻菽原編輯

男王

榮澤牧莊
瓊澤拾珊

校字

自序

苗不可見莠惟苗乃見莠也苗中有莠耕耘者但見其莠行道之人但見其苗但見其莠心乎苗者也但見其苗不心乎苗者也不心乎苗故見苗忘其爲莠心乎苗必去莠乃以存苗其存者以爲苗也其去者以爲莠也顧今之所謂莠或卽前之所謂苗則今之所謂苗安知異日之不猶然莠也此殆本農夫貪得之心而反用之乎抑善用之乎少陵不云乎文章千古事得失寸心知芟之芟之存焉者寡矣雖然吾終見其爲莠而已苗云詩鈔彙存卷六散齋詩鈔

平哉霽山氏自識

散齋詩鈔

一

有嘉樹軒

散木齋詩鈔

蔣震文霽山

山居雜詠八首

山靜悄如夢水淡過於愁水淡測山影山靜聽水流片月挂遙空心清山水秋

石根裂厚地樹杪拂青天鼓鑄一氣中天地任自然人生耳目短何爲事言詮

夜起觀萬象懵然夢未覺煙海一線開天際鐘聲薄孤鳥飛不鳴識是前山鶴

乘醉啓山窗俄驚天仆水手招江南山一一來窗裏我

欲呼古人把杯同坐此

策杖逐山影夕陽不肯住漫立望前溪餘光渺何處暝色蒼茫來迴歌辨歸路

犬聲吠如豹下方遠人歸燈火出林隙此時未息機晝急口中食夜急身上衣

月上每孤往徙倚白雲根俯視千尺潭龍蟠可手捫寒氣逼人歸月亦同到門

石壁何人句字跡大如手剝蝕半模糊姓氏已無有癡人空好名石且有時朽

夜坐

四更窗不掩殘月上猶未燈意忽倦明舊夢逼人睡有詩鈔彙存卷六散木齋詩鈔二有嘉樹軒

琴不敢彈有酒不肯醉誰實堅我心而不爲情悔落葉似驚人疏響靜中墜舉頭見流光小犬隔花吠

雨後游獅山

森綠結成障遠望愁難入紆步隨峯迴雲根讓路出苔滑屐難行藤杖瘦如筆運用極小心驟縱未可得徑絕乃天通平臺自修飭俯瞰磴道危陡削如繩直顧僕仰林端鬚眉溜濺濕跟踉赴我來喘聲問南北南北杳莫辨絕頂窮四極茫茫海氣高混蒸落胸臆此時空冥身渾欲與山一卷憇羊公牀飢覓叩疏食洞中顏面奇山花無人識冷風積翠紛錯疑雨復集俄焉蔥濛開夕陽晝晚色天高陰氣收舊路層層溼寺外值僧歸揮手謝

不及行行過前溪依舊望處立

雜詩

西風最多事萬象入孤懷孤懷不勝鬱高吟聊遣排上有飛鴻應下有鳴蛩諧乾坤絕蕭淡知已在天涯天涯欲何爲風雨同沈埋音書不敢冀夢情毋遽乖

興福寺

一望入淡碧鐘聲出林杪山路夾澗蟠水石相縈抱乃

知山下流鬪奇行獨倒此閒戒律嚴山亦肅清灝

三峯亦宗

門祖庭此處獨以律師主席修竹淨如拭古苔積不掃煙開鳥一鳴

人心極杳渺空潭萬象涵息機想淡造佳哉常尉詩寓

言得至道

詩鈔彙存 卷六 散木齋詩鈔

三 有嘉樹軒輯

海虞觀石梅登昭明讀書臺

石梅在海虞山東嶺下相傳黃初平折梅插

石後遂成林故名

不信江南春乃遲江北人二月渡江來始見梅花新
昨冬適過此木脫山顏皴青陽何日轉空山自精神
封條淨積雪飛香靄流塵孤亭接樹杪與花成主賓
讀書藉地靈泉石淪性真况乃仙緣近索笑省檐巡
登臺一臨眺恍若古人親碑前揖遺像自許非六臣

游焦山

風日一江暢孤抱負幽盟東指白雲笑雲中仙子迎
魚龍競雜沓竹樹紛蔽傾步磴屐還溼放眼疲我明
乍入空濛裏僻極成險行山以客故靜轉訝山不情
海雲何

寥廓別峯更孤清海雲別峯俱力疾凌絕頂漠漠天水
平小憇百慮息坐久道心生迺知山靈意厚餉難具名
迴首俯浮玉比跡若蓬瀛相望不相接所難遺世榮

謁韋公祠

心跡少安閑塵鞅苦縛束華旒詎累人望望如桎梏山
溪林密中不駐名流躅緬懷唐代賢民社存幽獨以公
淡泊心爲彼羣黎福雅詠協天機和風及草木善政借
詩傳甘棠蔭庠塾稷樹仰肅清虛堂延眺矚遐哉古天
民後起誰私淑悠悠千載餘撫已愧儒服

登天平山

籃輿行樹巔山容殊靜謐林盡一折迴萬石忽起立睥
眄詩鈔彙存卷六 散木齋詩鈔 四 有嘉樹軒輯
眇心目間小憇定喘息曠覽得真形巨靈逞巧力山岡
體勢圓骨幹露挺直土與石低昂拗怒成奇特喬木猶
灌叢森森畏強逼降心任鬱蟠偃蹇讓勁出白雲時盪
摩往來如梳櫛畫盡南北宗人間無此筆聚勝在山腰
俯萬同一色石級聳天梯足繭不堪拾

宿天平越日登上白雲凌絕頂

一夜颯風雨下方水木聲清晨發溪省上界鐘磬鳴勇
賈昨日餘絕磴凌空冥手摩兩崖滑身緣一線升級盡
仍盤曲百折乃稍平鞠躬入石室古佛嵌崢嶸谷神在
何處咳唾應琤琤縱目南天盡漠漠湖光青俯瞰石筍
微如聚萬摘星天風與我俱白雲翼我行風雲忽變態

搖搖無定情含情下危險奇絕冠平生

寒山坐琴堂聽千尺雪泉聲

空山不秘響止水寂無音風水虛相遭如撫無絃琴愛
茲池上流泠泠苦竹陰陡然一落強動我寥廓心劫堂
不必淺滄海不必淡惜哉無緣綺爲操水仙吟

微雨

微雨入涼夜雨歇尙層陰冥冥殘月上轉疑曉色侵煙
霏不肯散餘濕結疏林流光穿隙照驚巢有鳴琴幽蘭
發暗香習習襲我襟息慮成孤往何事耽苦吟馳情忽
中野禾苗方待霖旣雨不成雨何以慰羣心嗟余更多
思百感由此淡

詩鈔彙存卷六 散木齋詩鈔

五 有嘉樹軒輯

感舊三首

興化王竹樓

老氣懾羣心和聲諧衆口譽滿江淮間不愧二王後余
生亦已晚靈光見此叟前輩風格存敢附忘年友鄧林
千萬材青眼到蒲柳投贈特慙蘭言勝瓊玖聞歲來
海濱十年五聚首最後石頭城淒涼一分手老成卽或
凋令子胡不壽幼子先殤門祚際衰微前修棄敝帚遺蹟在
人間千秋應不朽嗟余眼中人復有斯人不

桐城胡芭堂

濁世佳公子獨有龍眠人擷覽吳越秀跌宕京華春飄
然來海角盟此鷗鷺馴泥首文酒中無意戀風塵詩卷

如束筍歌筵循轉輪迫上公車道去仍逡巡崢嶸逼
歲暮東風起前津別後寄相思萍蓬無定因十年得一
宰烹鮮詎疲神命或蹇磨蝎何遽應歲辰宰趙城以多病廢尋卒
才走薄宦乃不如齊民而况樗櫟材素性寡交親當時
多意氣雲散半沈淪迴念金石契一語一酸辛

長洲薛香聞

詩教無他奇根柢在聞道

茶村語

服膺杜老言之子獨淡

造源薄流不昌骨衰華亦槁所以真學人塵言務盡掃

精心濬濂洛厄詞究莊老其發爲文章清光接晴昊漢

漠破山雲芊芊近齋草偶影坐春風淡情互傾倒

同客琴川

署中事

君歸家食難我坐人事擾一別十年餘驚心觀化

詩鈔彙存

卷六

散木齋詩鈔

六

有嘉樹軒輯

早斯人不中壽天道胡可曉傷哉冰雪辭生事俄已了

初秋同人過北溪齋中遲閨風

新涼日夕佳羣動增幽思氣類詎必孤良朋得三四落
落向晨星嘉會殊不易興至一過從清言發淡契白晝
坐已永茶熟香屢試幽鳥空自鳴停雲繞檐際

楓林

春光動以豔秋容靜逾鮮動洽兒女情靜絕塵埃緣君
看楓樹林百卉無其妍山中朱帔人風格異少年秋水
碧若洗秋山澹於煙掩映少此顏天地殊黯然霜雪剝
不盡餘氣開春先宜爲松柏契把臂同稱賢

春晝

昏日猶薄寒午餘風日透睡起轉靈炯晴香撲人驟簾
外花正繁窗前草何茂一卷仙梵書迢迢供研究隱几
罷鳴琴高閣稀聞漏妙會靜中機殘紅落禽味

登山晚歸途中作

暝色送歸客日落山悄然含情下危磴登車重流連秉
燭輝前路馳逐紛闐闐迴首望山影不辨崖與巔纖月
澹斜照一堆青蒼煙我本餐霞人久絕區中緣何事返
塵市不向山閒眠重游會有日惆悵向南天上友巢居
子山靈爲招延乃知石隱流誓願久且堅

題觀泉圖爲方樵松作

谷神終不死泉脈詎有端在山與出山一氣相循環險
詩鈔彙存

卷六

散齋詩鈔

七

有嘉樹軒

而得所止山中天自寬君子突始達息心觀其瀾雲樹
媚幽獨沈溺非性安閒尋瑤草拾飢覓靈芝餐此身無
仙骨欲往從之難何當謝塵鞅共拂珊瑚竿

偶興五首

不作千古想著述皆徒然必希後世名心神苦雕鐫顯
晦有運數人事疑非天井底出心史溷中投錦篇誰與
呵護者孰使污鱗焉吾自寫吾真休論傳不傳

參井出地高寒芒遍夜靜何待摧風霜羣動始覺警聾
臭寂慙中草木亦息屏微靄西北來蔽明如目肯頓令
蠢蠢者憎憎不肯醒河流移玉衡葉落轉金井誰哉識
微人寸心獨耿耿

孤雁來上林附書慰貧賤誰爲空谷音云是金閨彥夙昔曾因依霄壤久更變亮節仍古懽遙情感美眷裁荅豈無心攀援故頰面令德銘方寸希榮非鄙願

地下才鬼多故人昨入夢示我朱噉書蝌蚪雙眸嘗指點儼平生旁行爲我誦空氣飛白虹琅音吐青鳳明澈太乙光秘出靈威洞慧業悟前因虛中怛怛動寒雨逼更殘閃爍燈花重

連朝朔風動平原雉兔肥有衆事皮冠將騁天山圍昔我逞豪邁逐隊爭前麾呼鷹大澤畔射虎南山陲燿燿風火生顧影還追飛蹂躪不肯休日暮忘旋歸撫今供姍笑衰憊如病瘵短衣袖老拳見喜心已非

詩鈔重存

卷六

散木齋詩鈔

八

有嘉樹軒輯

重陽後二日同人北山訪菊

風日餘清佳渺矣南山岑買丹泛香水極目開煙林林根出古剎門閉寒花陰愧無徵士句誰與花知音采擷縱盈把禿鬢不受簪且懼衣上塵致違羲皇心許我袖餘香歸理風中琴

冬日同北溪六雨登西山卽訊碧霞庵主病

繁霜肅林莽山山露斲削幽思在西峯閒情極寥廓奄忽浮雲馳朔吹飄雨脚晴開散斷絲微濡不溼屨天氣多變幻山情無好惡游塵靜已久倦鳥聲不作蒼鷹摩高天絕頂去一握落葉積平磴空林出迴閣指點碧霞庵舊路幾盤躩開門病衲迎骨立儼雁鶴喜來空谷音

強起理杯杓，翻似得真依。昔疴頓瘳，却嗟余嬰塵網。浮生究何託，落照駛不停。迴光詎駐，壑歸去空餘。情臨歧訂後約，跂看霰雪飛，衝寒踐茲諾。

虞山過錢氏墓道訪拂水山莊遺址悵然感賦

蹉跎復蹉跎，生死愧青史。蹉跎而生長，樂翁蹉跎而死。千夫指蓋世，才名邁等倫。雄心巨眼無餘子，文章根柢接三唐。碑版輝煌傳，百祀領袖騷壇作。主盟冠名鉤黨，希前軌同時。月旦推汝南，中朝物望重。元禮傷心諸老泣，龍髯珥筆孤臣竟。何埃少戀人，閒二十春詎無俎豆。千秋誄義士，炎午世無人不爲。廬陵祈速死，坐看萬事隨灰飛。甘使聲名墮泥滓，誰諒區區蠶室心。空憐炯炯詩鈔彙存卷六 散木齋詩鈔 九 有嘉樹軒輯

詩鈔彙存

卷六

散木齋詩鈔

九

有嘉樹軒輯

佛堂裏六州鑄錯可奈何，一錢不值徒然耳。我來山麓踏蒼煙，更上翠微尋舊址。墓門拱木叫鳶鳴，別墅荒臺長荆杞。風流歇絕山氣微，無復倒流清泚。泚人生到此，總淒涼晚節不終泉石恥。偶披榛莽誦遺文，賸有殘碑高尺咫。無言紅豆一枝垂，不減金人下鉛水。

吳烈婦

婦顧氏適湯醫吳某，死，母欲奪其志，婦不可，母強之，加以窘辱，婦既不願，改適。又念夫亡無嗣，已有遺腹，冀得生子爲母所逼，號泣數日，仰藥而卒。里人欲爲請旌，或曰：輕生絕嗣，君子所不取，余哀其遇之窮而志之決也，詩以紀之。

絕嗣君子所不取，余哀其遇之窮而志之決也，詩以紀之。

妾有娠，何敢死，偷生爲此腹。中子妾無主，何敢生，忍死恐損身後名。蒼天自高地自厚，如此空房不容守。妾罪如山，那可逃，寃在心頭苦。在口當時嬰杵男兒身，死義

存孤尚兩人弱質但求大義伸死君心仰君毒血胚未
分明泉臺試剖腹厓山力盡葬波濤猶抱祥興一塊肉
游焦山竟日舟宿山下夢孫丈漁曹來邀同夜游
劇談瘞鶴碑下醒後作歌以紀之卽寄漁曹索

和

竟日山中愜幽獨恨少同心證耳目天風吹我下寒煙
向夕維舟宿山麓酒闌燈炮夢魂清月黑星沈睡半熟
丈人繾綣涉江來不畏高浪架銀屋握手一笑興遄飛
相邀重與款巖扉虛無指點歷歷現天光倏露射古碑
上皇山樵識者誰華陽真逸名空垂後人擬議顧與陶
譚空說有毋乃非寶晉堂中富碑版金石文字推巨眼
詩鈔彙存 卷六 散不齋詩鈔 十 有嘉樹軒輯

响嘯荒怪石鼓奇矜審未定何人撰况復茲碑傳疑似
不書建元書甲子

碑中但有壬辰甲午不冠年號

茫茫人代煙海如何

處尋源覈青史真人蛻世絕聲華不爲異代畱名氏百
靈呵護出波濤元氣千春蝕不死麒麟塚在古鼎還神

物相望足撐峙

北固山後有麒麟塚見王肯堂鬱岡齋筆塵杜于皇謂可爲瘞鶴之配焦山古

鼎舊爲某官家物後歸分宜嚴氏嚴敗乃送焦山見王西樵詩序

我輩何爲空費辭刺

刺恐爲作者嗤山魃木魅跡如掃天風海水兩悠悠鸞
翁爲我發長嘯山魃木魅跡如掃天風海水兩悠悠鸞
鳳翱翔來前導大快心神叫絕奇半夜鐘聲驚夢覺

禱雨行

一月火雲赤千里睡煞懶龍鞭不起禾苗半死木棉枯

大溪小澗淡見底澤國應無旱潦愁啓閉蓄洩須人謀
邇來聞壩廢不修滯猶有策旱則休賴有長官念民瘼
胥吏紛紛恣大索供應無缺給使齊片念精誠通冥漠
香煙宛轉起蘭若半月結得秋雲薄輕雷隱隱南山陽
細雨霏霏紅日脚不聞四野田歌聲已說內衙歌舞作
吁嗟天意可奈何須知轉眼還催科君不見隨車甘雨
沛恩波雙歧有麥嘉有禾蝗不入境虎渡河古來治行
何其多嗚呼古來治行何其多

落燈後二日集晴香館觀董文敏文待詔父子及
諸名人墨蹟

煙花過眼盛事了春陰困人殊日長倒翻敞簾走老蠹
詩鈔彙存 卷六 散木齋詩鈔 十二 有嘉樹軒輯

燕石鼠腊空收藏自笑貧家無長物豈有菅蒯當流黃
城南馬糞數諸王傳家翰墨多琳琅舊日玩賞秋香閣
新館晴香如芝房招集儕輩會文酒千里百里同冠裳
雅意幾隨梅蘊藉清言恰接蘭芬芳亂堆几案似束筍
法書妙墨相輝煌有明中業盛韻事風流獨數三吳強
華亭落筆妙天下停雲衍派肯構堂其餘諸子各勁健
瓣香嘉定猶翱翔當時已重藝林價閒代更欽彝鼎光
世閒尤物聚所好神鬼呵護非尋常清閱滄桑旣已矣
絳雲灰燼徒悲傷辟疆老人最嗜古水繪一劫焚崑岡
邇來好事寶珠玉大力誰復珍縹緗老眼重見此法物
十載幸不摧風霜置酒張燈成高宴森然四壁生寒芒

主人敬客飛玉觴細辨款識同平章卽席徵歌競才思
慚我老拙甘頽唐泥首據案醉復醉發聲驚座狂更狂
酒闌歌罷客欲散起視閣外天蒼蒼

孫蔚原招集冬榮館試軍山新茶同賦

漸暖天氣苦困頓酒能使醉茶能醒醉裏沈沈斷愁緒
醒時炯炯開心靈澤國亦多種林土海濱絕少栽茶町
南五山惟東山僻煙嵐石髓常含青桂旣榮兮蘭亦茂
樹茶茶活高亭亭山家慣趁雨前摘製焙一遵陸氏經
冬榮主人得餉早招我來嗅家山馨同儕畢集敞吟閣
素壁無塵花滿瓶澄泉活火自烹點輕煙不入疏窗櫺
一甌纔淪沁心骨笑他陽羨誇中冷爾來種類推龍井
詩鈔彙存 卷六 散木齋詩鈔 十一 有嘉樹軒輯

俗口誰能辨渭涇衆貴遠物却賤近我領神味還忘形
兩腋清風覺習習一簾細雨霏冥冥香篆未冷鶴正夢
詩魂與之同忪惺不似醉後逞豪宕自喜句裏多瓏玲
何當移就白雲處淡汲乳泉勝醲軍山有白雲泉
水味亦最佳解
衣磅礴劇談渴儘我手口搜幽局大嘯山頭拂參井勿
令獨張酒旗星

東坡先生生日同青苑過北溪齋中賦詩

西蜀峨嵋高半天靈淑之氣何蜿蜒閒代一鍾出英詰
當時覽揆徵星躔風流雲散八百載初度月日空復傳
歲當庚戌月己丑十有九日期無愆窮海畸人三五輩
同契長公如宿緣節義文章久欽仰游戲韻事談垂涎

是日敬爲古人壽晴香館敞詩酒筵結伴客疑魯直似
居停人如子方賢閉門尚有莘老在來不來兮心惘然
謂蔚原自笑此身無位置容我狂態相周旋欲將長句擬

玉局恐喫我公藤條鞭才思苦澁更敗興忽聞檐溜聲
涓涓高歌豈有鬼神泣沈沈落盡燈花前意者天公不
好事不爾身命原災纏在昔蛾眉競謠詠至今磨竭還
迤邐夷改赤壁磯頭事紫衣鐵笛人翩翩孤鶴南翔初
入破座中識曲來神仙異代稱觴誰創舉商邱中丞爲
招延宋牧仲巡撫江蘇集詩人於滄浪亭賦詩三吳名士羅幕下笠屐圖向
滄浪懸觴詠頗極一時盛嗣是繼響無人焉吾儕結願
殊寂寞善舞孰爲長袖擅近局離索如凍雨殘年期會

詩鈔彙存

卷六

散不齋詩鈔

三

有嘉樹軒輯

同懶煙久爲山鬼笑潦倒敢告仙靈通精虔祇今聊作
權輿意明年當使餼羊沿仍懷椒醕邀神爽瓣香何必
非筵筭但願來格開晴霽我公生氣千萬年

送桐城方樵松北上

窮海久客忽奮飛轉蓬欲趁南風吹客子有家胡不歸
叩之不荅中心悲中心悲知者誰誰人密邇窺其微四
座請忽喧賤子代一言龍眠山高極極天下人稱方
氏賢中丞之忠太史孝入世出世相後先累葉簪纓未
或替咄哉孤寒獨迤邐前歲秋風又失利落魄未敦涓
陽誼難將雞肋干要津轉以豬肝累廉吏側身乃入鷗
鷺羣偃息似有槩阿致如水年光秋復春平頭四十驚

心憐美人遲暮一無成丈夫偃蹇終非計迷陽卻曲行
路難老驥伏櫪千里志空憐魂夢邱隴情不寄相思兒
女淚邂逅何須苦死畱男兒各有關心事我言未竟四
座嗟客子掀髯翻大笑得一知己古人難信如君言勝
自道君言亦既多請君還爲拔劍斫地歌我且歌君奈
何我歌一曲君飲雙螺一歌燕山遙驚沙漠漠天爲高
再歌車笠謠相逢他日盟久要三歌雅調起風騷繼述
無忘績學勞藥地風流永不祧克家何必在蟬貂嗚呼
克家乃不愧蟬貂

北溪招飲不赴簡寄

老人愁絕春風顛一月兩月少晴天杜門促局縮如蝟
詩鈔彙存卷六 散不齋詩鈔 十四 有嘉樹軒

幾會追逐詩酒筵憶從跋涉雉臯後客中十日同熬煎
歸來喘息未得定馬首又爲東道牽衰年皮骨何足惜
男兒性命絕可憐杜句誓願謝斷塵世緣得錢沽酒圖醉
眠作計已遭造物妬盲風毒雨重災纏高歌竊恐動神
鬼不敢搖膝聳吟肩日來乍覺陰霾破曉窗弄色飛孤
煙剝啄長鬚傳語入城南素心相招延天時人事劇可
喜而我愁城難摧堅私憂樂事稍放逸如病將加於小
痊任負高誼空感激對酒當歌推羣賢稍待風光麥秋
至懶骨從頭加策鞭期君消受櫻筍鮮

過劉南廬墓感舊

風沙颯颯日亭午山根宿莽牽踽步靈禽不語封樹荒

亂石嵯峨碑尺五閩海畸人流寓奇當時欲共山千古
孤寒難乞當途知浪跡何來東道主獨尋絕境栖東峰
蛇虺黽黽作儔侶餽粥不給恣討搜風雨無情歷寒暑

山勝旣闢山志成更蒐古蹟事修舉唐代才人

駱賓王 宋

義軍

金將軍應

荒煙淪沒河之許謀於衆志蛻隧移招魂並

向山陽聚敢以精誠誓鬼神他年歸骨此其所

已上皆寓居軍

山拜別高霞逐斷雲淮海維揚無定處萍水臯城作合

初江郎

謂樵所

宅裏親揮麈當筵老氣橫清秋潑墨緇流

石牀

當旗鼓青眼高歌到阿蒙忘年交訂回爾汝

戊寅同客

如分手匆匆會幾時驚傳哲匠歸仙府異鄉死友有汪

倫

謂璞莊

付囑遺言勒肝腑盈盈一水南山南傍我前賢

詩鈔彙存

卷六

散木齋詩鈔

五

有嘉樹軒輯

借抔土殘魂縱餒亦何傷別有馨香託蘅杜此間耆舊

令威存

个老

夙諾平生早心許高誼古道世所難不負

真真此嬰杵一闕空山三十春幾人憑弔意爲憮尻輪

神馬誰見聞木客山魃益淒楚嗟彼纍纍一世雄翁仲

何會嚇腐鼠成紀兒孫香火稀瓦盆麥飯慳醪脯况復

滄桑幾變更

再看巖谷遭災炬

軍山向在江中今江已遠去甲午庚戌狼山兩

次被

無主邱墟無恙來紛紛牧豎何敢侮至今名氏掛

人間不比銷枯隨朽腐我來長揖重欷歔百感茫茫難

指數同是分靈光嶽人文心不死終辛苦老眼猶期睇

笑情夕陽忽送連蜷雨要欲遮畱吟步艱歸途贏得愁

千縷會須襍被臥山窗索倩巫咸致神語

飢鷹來

飢鷹來不飢不來飢而來來胡爲哉爾飢旣療衆鳥相與哀衆鳥哀莫敢憶據高猶作耽耽視辛勤宿食供老饕傾巢弱穀不得字青草滿地塵滿天孤城日暮無炊煙不見風前有鷓鴣平蕪一望皆毛血

縛虎行

委羊無主虎過則侮委羊有主虎罹于罟虎罹于罟羊乃起舞媒孽孔多城狐社鼠豹隱南山歎欲霧雨闌闌何地容爾嘯聚肉味不足登鼎俎皮毛利人腦終鹽我欲脫之主者怒嗚呼誰放爾虎

祭書行

詩鈔彙存

卷六

散木齋詩鈔

六

有嘉樹軒輯

年年送窮悔計左還結老蠹生前果樺燭清樽一瓣香敢告長恩祈神妥靈氛叩余何所求老去名心尚未休窮鬼在旁忽大笑望奢操約夫誰尤君不見昨日東鄰方殺牛

洋琴歌

絲木相着而成音音和且平爲瑟琴胡爲乃有洋琴名木非桐梓絲以金不鼓而擊聲如蠅吾聞聲音之道無古今惟貞則雅邪則淫中國

聖人恭己臨雲門一奏神人歆誰者傳流桑濮之害中心

晚泊燕子磯

帆落夕陽盡行登江上山人煙紛出沒天水自迴環燈影纔喧市鐘聲早閉關旅魂今夜定高枕聽潺湲

雞鳴山尋杜茶村先生墓不得

固窮流寓客生死戀鐘山終古劫塵外一抔天地閒鶴無華表認人悵白雲還枉自逢樵叟墟煙指點慳

藝蘿

不是宜花處春風奈爾何秣須栽曠土瓜合種陽坡只有孤根賤行看四壁多他時煙雨裏茅屋卽山阿

贈湯瑤圃卽送別二首

與世雖云忤非無握手歡閒求知己共竟比古人難而我固多癖如君良可歎平生幽意在冷眼互相看

詩鈔彙存

卷十六

散木齋詩鈔

七

有嘉樹軒輯

一歲一相見此情殊黯然難爲離別日況是暮春天舊夢隨明月新愁付曉煙期君無限意應在早鴻前

城南看菊過東寺訪白六石不遇

故人零落後久不到城南趁此殘秋興來尋舊雨談香風隨客路吟步過僧菴惆悵含幽思無言對佛龕

秋日雜興

西風吹海色涼氣肅江臯賸水從鷗沒閒雲讓鶴高老知生計拙貧惜此身勞空外催刀尺驚心問縵袍

古寺

望裏人煙絕荒原一寺孤靈旗空偃蹇殘碣半模糊鐘板何年寂僧彌向客癯不知齋鉢冷繞樹噪飢烏

廢塚

白日衰楊路青燐宿草堆空餘狐兔穴幾見子孫來零
落悲華屋銷沈到夜臺達人期速朽身後不留哀

春蘭集晴香館同賦三首

妙香風不散竟日坐嘉賓密契超禪子元談薄晉人白
雲來有素明月照無春擬入青琴奏終希識曲眞
我懷貞且淑似接古賢歡雅意周旋久高風品第難夷
齊眞國士屈宋合衙官信美清而聖騷人子細看
未及闌風雨居然遲暮餘猗猗能幾日采采渺愁余怨
不關鴉鳩情猶戀珮裾好修難委棄蕪穢爲君除

九日寄懷湯阮仲

詩鈔彙存

卷十六

散木齋詩鈔

七

有嘉樹軒輯

二年前此日風雨客高齋悵矣登臨事歡然契濶懷家
山今在望知己幾曾偕夢入荒江僻清游何處佳

喜晤管齋曰卽送別二首

覲面不相識離情何可追驚心如隔世彈指說前期契
濶青山證艱虞白髮知平生少歡會喜極轉孤危
文酒當年事風流聚散多故人惟我在此別奈君何薄
宦猶奔走歸休且歎歌臨歧空感激持底慰蹉跎

初夏同人游鍾秀山四首

幽夢通雲水招尋入畫圖塵經微雨歇客與好風俱互
地崇岡斷蟠空一閣孤會須瞻百里豈獨瞰城隅
惆悵舊游事淒迷不記年荒荒同劫後耿耿若生前日

養眠蠶氣風高打麥天四山叢莽裏發興獨悠然
別有盤飧味行厨衲子家豆香新脫莢松粉乍飄花卽
席醉山鬼前除馴野鴉晚鐘會未報暝色逼流霞
逗遛難作計誓願得重攀此地一投老餘生幾許閒爲
誰塵網累顧我淨緣慳大笑且歸去仍勞夢往還

曉月

中夜爲誰起舉頭憐月明依然半規影不是上弦情鴉
夢驚三匝霜鐘逼五更一痕何處瀉照徹露盤清

得月

積雨連昏曉何期得月明竟無良夜會如對故人情舊
緒當風理孤光接水生誰家寫幽怨殘笛儘飛聲

詩鈔彙存

卷十六

散木齋詩鈔

九

有嘉樹軒輯

客去

客去月仍好孤懷渺以淡酒醒思續句香燼更橫琴暗
露催羣籟高花轉薄陰欲眠還徙倚不是愴離心

殘菊四首

不道栽培是冷緣誰家池館久留連琴樽無恙重陽夢
風雨交忙十月天眼見根枯拋異地空言種好望明年
依依一片斜陽影半是南山慘淡煙

到處霜華掃不除慰留無計獨踟躕酬他鳥瘦郊寒句
擬作顏筋桺骨書價重一時仍落拓品高千古待何如
可憐占盡人間韻贏得空名挂太虛

憔悴難將耐久誇清芬枉自說陶家推開綺閣燈無影

捲起霜簾月不華
冒雨客休重載酒
餐英人已賦懷沙
西風最是無情思
解道催花不送花

別具根荑愛晚成
眼前何必論枯榮
孤存磊落鬚眉骨
不近天韶兒女情
蘭蕙合當稱弟子
茱萸那可竝先生
品題自昔無知己
久已人閒寵辱平

和孫蔚原六十自述原韻二首

多生結習信前因
舊社風流孰後身
週甲又逢初度日
攝提正指孟陬辰
君推祭酒三年長
我算登堂兩世人
己丑漁曹先生
六十余會申祝
記得前修開此讎
追隨會忝座中賓

羨君清福自生前
婚嫁粗完累早蠲
別具好懷來夜月
任他底事付朝煙
行開梨棗光先業
時校訂尊人
遺集將付梓
更表

詩鈔彙存

卷六

散木齋詩鈔

三

有嘉樹軒

松筠慰所天
此外竝無經理處
釀花酒與浣花箋

送鏡泉之館石渚

半春吟社索驪歌
有客飢驅喚奈何
貧士由來家食少
詩人慣是旅愁多
風高未展長天翼
鱗困休辭尺水波
且幸倚閭人健甚
稱觴會共羨顏酡

春寒

謾說風前杏子衫
平章花鳥懶開緘
乍疑海上氤氳使
借暑春曹冷淡銜
馬試香蹏塵未輒
鷹盤勁翮眼猶饒
茯苓料得山中少
閒煞幽人白木鐺

穀雨日雨過
故人居看牡丹憫
其後人貧病感賦
無主風光速客難
孤尋惆悵舊交歡
花如識我爭迎笑

酒爲愁人故帶酸南阮布禪羞錦粲西華葛帔怯春寒
西華任昉子前塵影事憑誰話不忍重來問藥欄

冬日雜感五首

百結愁心短景增交侵貧病不相能辟寒未蓄三年艾
望歲翻祈五寸冰夢轉惺忪資薄酒吟成慘淡逼殘燈
支離總是勞生計暗數流光一拊膺

窮途痛定不堪論蕭寺融風比陸渾無望柳州來賀札
空憐杜老返羌村覆巢零落思全卵貧鬼揶揄日破盆
侘傺到今餘底事夢中定有未招魂

半世虛名小刼過文章落實不爭多自慚散木登繩準
敢笑庸工手斧柯投筆有懷容蹈海談經何處更懸河
詩鈔彙存 卷十六 散木齋詩鈔 三十一 有嘉樹軒輯

餘生幾許灰心事擬託南山種豆歌

投老慵疏煉九還教兒換骨少金丹莫貪滋味輕雞肋
妄逐刀圭服馬肝命合時宜求福易生無慧業讀書難
燈前不觸屏風破一誤由他再誤看

半月嚴寒半月陰一冬無日快招尋長天幾點晨星散
晏歲難期舊雨吟處處聲華巴里曲年年懷抱楚囚心
閉門且學雞窠老稍待春風豁素襟

立冬後三日迎曦樓待月

簾捲西樓雁影天乍寒風景淨孤煙連宵坐到當頭滿
宿約來看出海圓望裏關山牽舊夢意中環珮想羣仙
何人恰弄窗前笛未覺更深已悄然

望斷

腸轉車輪往復還青衫重疊舊時斑魂銷落日三叉路
望斷孤雲兩角山誓願未能酬地下虛名何意挂人閒
臨風多少悲涼事說與蓬蒿只等閒

夕陽

莫說黃昏近無心戀夕陽從來晞髮者最愛立蒼茫

墮葉

何至遽黃落其如風雨侵卽今殘暑熾留得樹頭陰

題望雲閣

到處悲風斷客腸白雲何處是家鄉天憐游子歸心切
特爲西山駐夕陽

詩鈔彙存

卷六

散木齋詩鈔

三

有嘉樹軒輯

秦淮聞歌

風光銷盡六朝煙月到秦淮分外圓絲竹久無亡國恨
游人猶自說當年

金陵雜詠二絕

踏徧荒山夕照開蕭梁遺事問誰來劫塵尙賴空王力
賸得當年施食臺

秦淮千古碧粼粼故事燈船幾度新前輩風流銷歇盡

懸金泚筆兩無人

杜村茶事

柳枝詞二絕

一自東皇放眼青行人立盡短長亭飛花作雪漫天後
風外誰尋水上萍

多謝詩家與酒家攀條黯黯惜年華曉風殘月淒涼慣
最怕黃昏接翅鴉

將之石莊過張桐洲齋中看芍藥道中口占

暫時分手卽前期誰折芳馨寄所思已是揀花風裏客
重來孤館訪將離

寓園八首

舊日淮王此寄家八公來往事丹砂一從拔宅飛昇後
雞犬無聲巷不譁

賸得花枝與柳枝紛紅駭綠不多時空堂此日人枯坐
未許當年燕雀知

十里晴光入望開偶停吟步一登臺荒城迴閣琳宮塔
詩鈔彙存卷六 散木齋詩鈔 三 有嘉樹軒輯

直接南山秀色來

門閉蒼苔少客過綠陰深處卽岩阿亦知此地多山鬼
睨笑依稀出薜蘿

方塘積水滿蹄窪洗硯時來散墨華一隊紅魚爭潑刺
晚風吹落碧桃花

漫說登天假羽翰此閒得路卽邯鄲紙屏木榻還依舊
都作前塵影事看

曾見靈烏夜夜飛月明無復影依稀金閨倘有鄉關夢
屋角孤星是少微

衡宇相望舊比隣風光無主孰留賓空餘牆角多情竹
每日將迎戀故人

雜感

末法難尋不二門
憐他無佛處稱尊
須知真諦從聞入
先斷蛙聲淨耳根

范湖道中

浪跡無端入冷鄉
三叉路口更淒涼
白茅開得花如雪
叢上孤墳弔夕陽

詩鈔彙存

卷十六

散木齋詩鈔

十四

有嘉樹軒輯

崇川各家詩鈔彙存卷十七

里人王藻菽原編輯

男王榮澤校字
瓊澤

鶴隱園集

劉耀祖次山

西湖晚歸

春游已倦辭天竺湖上難摹暝色工四面利歸巖霧外
一船人在水雲中槎隨溟滓浮銀漢鶴掠微茫叫碧空
十里不分前路濶榜人遙指一燈紅

重游

晚風惆悵更催還纖月微雲明滅閒隄上遺蹤餘綠柳

謂蘇隄

花前仙子露青鬟

花神廟

繞停半晌疑無路雲起中

詩鈔彙存

卷七

鶴隱園集

一

有嘉樹軒輯

流忽有山回首勝游清景別不知舟過武陵關

春日野望

城環芳樹懸青藹塔立春山抱白雲惟有幽人不歸去

隔林煙起暮鐘聞

秋夜獨坐

心地久無塵中宵自在身纖纖一鉤月來照倚欄人冷
露侵肌沒微雲淡漢頻蕭條秋氣味於我覺相親

九日

東籬寂寞擬陶家聊復登樓逐歲華老我琴書拋不得
惟將心跡比寒花

重九後十日

非無綠酒休攜榼也有黃花懶摘香酒冷花寒君記取
希夷風味古重陽

送遠曲

送君值春深芳草無情綠醉倒爲沾巾不堪歌別曲日
斜走馬釣魚磯馬上沈吟鞋已飛多少柳條牽不住明
年此日望君歸

次韻荅李香谷見寄

千里寄新詩風味似韋柳無由雲逐龍長吟不覺久憶
昔羊城會周旋辰及酉一別十餘春山川閒馬首何以
慰離懷獨酌盈觴酒

和月夜閨詞限韻四絕句

詩鈔彙存

卷七

鶴隱園集

二

有嘉齋軒輯

芙蓉帳外春氣淑梅影參差弄清馥少小尋芳不解愁
淚痕翻怪垂金屋

相思樹向中庭植落盡相思心惻惻月滿天涯尙未歸
江之南兮塞之北

望斷高樓信久稽月明浮水水浮隄儂家心事流不去
簇簇碧峯天際齊

坐到更闌未掩閨簾風輕颺曉淒淒幽情漏洩綃巾上
半結春冰是夜嗁

夏午

石枕高眠石步廊松風作扇自清涼蝸廬亭午炎曦逼
愛此幽情忘日長

夢游湖山得句覺後足成之

名園神忽愜幽意感何窮翠羽迎行屨山精禮暮鐘波
搖池弄月葉戰木吟風廿載閑游地依稀入望中

波搖二語

夢中

自傷二首

世路崎嶇喚若何年年風景觸愁魔春花豔豔秋花冷
白鳥蕭蕭黃鳥多敢謂懷珠投暮夜誰將濯足亂清波
無時不盡窮途感慕古聊爲孺子歌

年來無路不崎嶇家舍蕭條旅館居幾度遨游朋輩少
一身貧賤友于疏屢因寥落悲前事日就支離笑散樗

用唐人句

那得君平卜來歲將何濡沫轍中魚

詩鈔彙存 卷七 鶴隱園集

三 有嘉樹軒輯

病中

死去原知萬事空

放翁句

但嗟垂老益飄蓬眼看骨肉凋

零盡贏得羸殘弔影翁

崇川各家詩鈔彙存卷十八

里人王藻菽原編輯

男王

榮澤
瓊澤

校字

序

王進士芸室貽余弁江詩鈔八卷屬爲弁言余受而讀之不禁拍案叫絕以爲紫琅多才講求聲韻之學者固不乏人向年推服李漁衫學博謂獨得唐人三昧又何所見之不廣與夫詩之爲道攄吾意之所欲出故其聲之長短高下疾徐必與吾意爲準量於是讀之而鏗鏘鼓舞悲愉歌哭無不應絃合節感人心脾此固非句櫛字比膏沐而粉澤之者卽自謂專門名家也弁江五言詩如境虛宜受月心定不驚秋一徑自黃葉千山聞亂蟲草淡飢鼠鬪垣缺野鷹來亂山孤劍影千里獨歸人七言如鈴語喚殘今夕雨桐陰消盡昔時秋一鞭回指山頭雁亂柝敲殘雪裏城階前犬吠鄰扉月窗外鐘傳破巷風自古黃金消士氣幾人白水淡交心狂倚詩城堅半壁寒憑酒力敵殘更柳外六朝秋夢杳星光燈影亂江煙等句沈鬱頓挫宗仰浣花其最下者襍之中晚名家亦推上乘蓋詩才本諸性靈惟能吐棄一切故爾標新領異自出機杼余向之服膺漁衫者讀弁江詩而益淡心折焉今漁衫往矣余生也晚復不得一見弁江如皮陸當年之倡和僅於五七字想見其爲人抑何緣之慳耶因芸室之請爲綴數語而歸之用志景仰之私

云嘉慶癸酉七月中瀚星沙唐仲冕拜敘

弁江詩鈔

徐錫爵景馭

感懷詩八首

房葵似狼毒蛇牀亂靡蕪砥碇埒美玉蕙苡充明珠物苟以形肖疇言美惡殊所以慎幾士抱璞甘窮廬

爍火不成熱盛夏甘洪爐冰雪為衽席嚴冬裸體居至人耐寒暑昔稱王仲都劉根絕饑渴一視盈與虛人禍首衣食煩然賊其軀我無二子術長嘆倚空廬

華山有睡客跂足三月餘中山多酒人千日醉鄉居靈境不可卽醒眼空愁余愧彼霜郊蝶弄日還蘧蘧

詩鈔彙存

卷六

弁江詩鈔

二

有嘉樹軒輯

露犬食虎豹林狸搏巨獅名昭古黃乘威懾白狼師是物本微眇伏莽疇復知軒然出林藪英彩煥當時丈夫履信義空負七尺軀行坐把一卷聲擬寒蟬悲何當倚長劍笑睨天四垂歸聞責升斗斂手城南隅

仰首矚孤雲低頭掬寒水雲孤不可攀水寒澁如此昔聞袁汝陽予人有餘耻鴻飛冰雪中玉立清于洗海溢納羣汗泉竭無餘滓君看一線流時有潛蛟起

屈軼生帝廷佞人乃斂跡蓬蒿植天廚蠅蚋罔敢積寸草爾何心亦知事擯斥嗟予際平世章身鮮善策負車九坂前一步一顧惜進不謁承明勤思効補闕退不從靈威著書揚古澤徒爲斗筭人饑驅還役役以此銷百

年何如反永宅

朝鸞扶桑弓夕泛碧池酒人生六幕間羈絆復何有胡然七尺軀竟落妻孥手抑志入網羅覩顏事升斗入愁出亦愁桎梏復奔走遂令大海寬頓若荆榛數白雲自南來粲粲臨窗牖昔訂青霞交相期塵外耦招之不可從鬱阨嗟獨守

讀史稱快事千古一馮生焚券市義歸高風傾薛城黃金本織芥瑣碎何足名所以古英達羞從阿堵行嗟余邁薄俗大義鴻毛輕錢刀克自寶鄉里歸賢聲權及子與母忽然忘父兄父兄苟無愛矧其屬親盟細民強貸予德色常飛騰一旦中情悔驕吝旋相仍面目匪冰雪詩鈔彙存 卷六 弁江詩鈔 三 有臺樹軒輯不語青稜稜詛詈間復作老拳時厭卿僕本寒賤子所期心跡清雞鶩難久處餘粒安所爭仰觀浮雲逝悠悠太古情

上巳雨中招集諸同社修禊于曙嵐小竹里館分體賦詩以風雨故人來五字爲韻

山閣夢初回曉雨林梢注遐思曲水濱徑濕妨幽步大化日啟新轉吟迹成故茫茫百花朝已向夢中度不謀今夕歡盡使芳辰誤衝泥訪舊盟眾志愜幽素狂呼宗少文乞假卧游趣林烟盪忽開咫尺山陰路花柳雜竦篁一一圖畫布溪光時滅明雲影半廻互對此簾篔簹清暫滌塵踪汗酌酒謝同人孰奇得良遇毋驚暮磬聲飛

落南林樹

又二首

三月鳩啼三日雨翠雲杳靄迷花霧衝泥載酒興偏奇
竹里逢迎藉賢主杏靨含珠欲半開嬌憨似笑客何來
波痕柳影綠如此纔試春風第一杯

曲江羅綺驕春風絲竹啾嘈空翠中幻作瀟湘一片雨
春光遠澹生簾櫳擊鉢藏鈎揮玉麈芳情不散烟千縷
期君更待夕陽時浪暖桃花杯泛羽

又四首

客來淡翠中隔水敲藤戶驚起竹林烟飛作前溪雨
惠風三日佳晴景麗千古誰將烟雨春翻却蘭亭譜

詩鈔彙存

卷文

弁江詩鈔

四

有嘉樹軒輯

杏澁未扞華柳弱剛成縷東風吹斷青留取烟痕補
尋詩曲水涯雲外日過午我醉立蒼茫遙情掛江樹

閨箴

君佩韋妾佩弦春和秋肅旋其天

又

妾爲涇君爲渭清濁同流水永無背

夢中琴詩

離絃求聲聲綠絃始泥聲于絃絃定聲死姑兩置之人

琴嘿爾

聽蛩

不放愁人耳終宵得暫休幾時初到枕四壁已爭秋風

閃破蕉葉燈寒老竹篝曉窗聲定後空外尚啾啾

咏荷

一枝池館靜濯濯淡中分品已兼仙佛香應和水雲美人矜粉黛紉佩薦夫君浪許花相似靈姿詎可羣

秋齋獨卧

偶自違妻子真成物外游境虛宜受月心定不驚秋此意關禪悟何人共冥搜終應拋世網浩蕩狎沙鷗

曙嵐招飲三首

穿橋短竹爭迎客拍水輕鳧解戀羣供得酒場三萬六那分文字與紅裊

萍掩溪光秋漠漠鴉盤暝色樹層層留髭底用傳紅燭詩鈔彙存卷六 弁江詩鈔 五 有嘉樹軒輯

籬外纔分隔水燈

不放青天入酒中烟光人影兩迷濛回頭却共蓼花笑今日醉顏輸爾紅

感咏齋中桂花

金鵝岫暖抽香早靈鷲峯高級子新同是素娥親手植西風閑煞小山人

擬古二首

擊劍酣歌鬱塞奈余何擊劍酣歌鬱塞奈余何奇獸出柙高鳥破羅絲亂從又斬絕良多廓然天海何平何頗歌以言之鬱塞奈余何

破硯焚琴儒賤不可爲破硯焚琴儒賤不可爲我冠卸

影百吠爭隨書城南面傀儡同媼古訓罔式競尙盲詞
歌以言之儒賤不可爲

金陵客邸雨中寄內

錄一

輕別仍傷別思歸實怕歸冥濛羅四布辛苦鴈南飛孤
館餘締綵衡門少葳薇尺書能慰我忍獨問漁磯

歲暮偶成二首

窮愁兀兀冬復春花月底時關我身半生如許不作達
坐使斗升俗了人

貧餘四壁吾何嫌狂索千金事不奇誰道柴桑真達道
叩門猶苦拙言詞

題慈雲大士像

詩鈔彙存

卷六

弁江詩鈔

六

有嘉樹軒輯

海上孤雲別遠岑登年塵夢苦侵尋聊從水月空明影
證取寒山冰雪心

海天孤吹圖

孤管橫吹海月明天風飄下鳳凰城桓伊莫漫誇三弄
只有穿雲第一聲

尋梅不果

三年五訂尋梅約半是愁中半雨中今日藥爐繩榻畔
又拋香夢與東風

光孝塢院曉起聞烏聲

萬鳥爭一塢幾令禪境喧誰知喧是寂蘭笑本無言

憫菊

菊乃冲澹姿耻爲塵網牽好事誰家兒購以青銅錢荷
擔入城市約束就華筵黃者何纍纍宛若金埒編白者
殊昂藏聳如玉柱顛濫觴及頰紫雜遝羅其前呼樽酬
熱客列曲首繁絃錯落轉珠燈坐使明膏煎中有皮相
士解呼花作僊頗聞甘谷老食之得長年公然恣採摘
大嚼同肥羶酒氣日薰灼蠅聲何喧闐幽香辭素月瘦
影落寒烟有如楚正則長與糟糲緣有如陶柴桑束帶
從拘攣厥性既不保賞識徒紛然不見南山下兀爾全
其天

寒玉泉

誰從瓊芝田鑿碎石根玉中有清冷泉寥寥泛亭毒雲
詩鈔彙存卷六 弁江詩鈔 七 有嘉樹軒輯
迴古殿秋雨歇東峯蕭環佩何琤琮松風互斷續我來
面太清蕉骨寒生粟暫窺林下顏轉益鬚眉綠鐘磬答
空音涼月遺孤躅幼公去不歸夜夜潛蛟宿

仙硯石

太陰潑墨圍山甸怪石僵立形色變員嶠仙人化鶴歸
至今傳得洞中硯竭來叩石捫藤蘿壁走龍蛇乍隱見
古蔓拖殘金線文白雲緘作玻璃片旁踞一石何猙獰
狡狴狂飲墨花濺凌風一拂秋煙飛大筆淋漓若掣電
何以書之遺太空割取芙蓉千尺絹

城東曲 錄一

妾舟鄰關門不夜聽魚鑰流水似郎心莫放寒潮落

舟行遇雨

那更殘秋雨蕭蕭送客舟半江雲似幕昨夜月如鈞老樹又黃葉叢蘆半白頭我行竟何所蒲水暮悠悠

十二夜月中獨步二首

涼月蕩空霽清光延素秋澄心觀物表嘿與青冥游萬籟有喧寂浮雲任去留翛然京洛想鸞鶴邈難儔羣動不接處悠然見故吾跡隨隨秋並遠心與月同孤蛩響斷還續烟光淡欲無蒼茫望終古兀立海東隅

弔徐榻賓汝龍三首錄二

長揖竟爲別斜陽古巷秋早知重壤隔那惜百回游落日懸孤榻殘書寄一樓夢中如識路應誤訪西州

詩鈔彙存

卷十八

弁江詩鈔

八

有嘉樹軒輯

故國黃花酒何緣到夜臺驚心風雨夕還擬故人來把劍輸奇抱披文見妙才傷哉千古別開徑獨徘徊

雪聲

急雪破殘夢天風吹夜闌灑空花簌簌點竹玉珊珊聽到無聲處還驚入耳寒誰能倚清韻一爲鼓幽蘭

雪色

空明望不極色相竟何存永夜蟾無影孤山玉有痕瓊枝含寂照白羽失遙村不見兔園客方圓漫比論

雪魂

一片迷離影寒齋夜悄然曉風吹欲斷淡月暗相牽應與梅同夢渾疑玉化烟清魂籠不住韶悵曙光前

雪味。

自足方明水何須比玉漿
漆來愁裏味銷盡熱中腸
入茗唯餘澹和梅應有香
西園裘馬客只解戀羔羊

冬蘭

殘香散盡楚江秋
獨抱冰霜歲月遒
空谷有人吟白雪
春風何處夢芳洲
靈均佩繼瓊枝冷
謝傅庭餘玉樹愁
寂寞孤根竟誰托
已傳花信到羅浮

得樵所江四丈和石蘭臯桃花瓣子詩戲咏四首
一片春魂颺夕暉
水晶簾外見依稀
更無言處還分笑
欲汗塵時却暫飛
已落尙浮金谷酒
多情應染玉環衣
殘脂莫惜看珍重
回首仙源夢漸非

詩鈔彙存

卷六

弁江詩鈔

九

有嘉樹軒輯

拍碎珊瑚剪絳紗
飛來只傍武陵槎
安期去後留殘墨
玉女歸遲悵落霞
好把妍華添雪靨
肯教輕薄替楊花
幾回拾徧春風裏
唵到東園日正斜

新妝曾倚碧池烟
一捻胭脂畫不全
拋去難消春苑恨
拈來猶解玉山禪
落霞幾度窺殘影
流水三生續舊緣
點破綠蕪無覓處
桃根桃葉枉生憐

幾處繽紛碧草新
玉臺憐取十分珍
折殘寶枕紅猶凍
洒入瑤箋碎却勻
江氏可應懷彩筆
石家何用惜香塵
祇緣一瓣傷心色
譜出天台別樣春

社伯史笠亭先生自象山官署扶
太翁靈觀歸

里詩以唁之

靈馭遙從天外歸
山程水驛鎮相違
霓旌夜擁江潭雪
素幔朝迎海日暉
忍使奇寒侵白骨
任教血淚疊征衣
天心應爲憐純孝
已許招魂返舊扉

狂思

落落拓拓吾其狂
魚魚鹿鹿渠自忙
夢迴四百八十寺
眼空三萬六千場
春風風悞我衆香
國造物慳人一草堂
期與梅花成一笑
詩筒酒榼聊相將

春日離垢堂感事

古巢遺韻在人間
想見春風獨閉關
鶴使不來幽夢杳
牛羊日落滿孤山

醉竹三首

詩鈔彙存 卷六 弁江詩鈔 十一 有嘉樹軒輯

修竹拂雲爾許長
風前畧約瘦而狂
渭川明月蒼梧雨
勾引風光入醉鄉

年來飲過三焦葉
往事竹林懷七賢
拚向此君同一醉
个中清節幾人憐

苦愛干霄別樣青山
風敲碎玉亭亭
世人皆醉我亦醉
林下何須號獨醒

送菊之拼茶時 先大人館於繆氏

白髮空歌歸去來
海風吹葉點荒苔
他鄉藉爾生秋色
爲耐寒霜緩緩開

南沙丁烈女少適某氏爲養媳失愛於姑遣歸女
夜綸夫去爲僧作詩哀之二首

孤塚寒烟隱蒨薇空門人去竟安歸華山松柏東西合
贏得鴛鴦繞樹飛

桃李爭開茗海春一抔荒草爲誰新冰心祇共千江月
還照青蓮社裏人

牡丹四首

綉幙臨風敞玉堂青鸞百二巧成行十分花憶唐天寶
四海春歸古洛陽衣曳明霞添醉態珮零仙露雜奇香
由來不愧蓬壺種一笑還應失衆芳

幾度魂消穀雨天繁華有夢自年年眼空世界春如海
花隱樓臺地亦仙佐我狂歌三兩盞酬君美酒十千錢
風流自昔矜無極不逐梁塵化曉烟

詩鈔彙存

卷六

弁江詩鈔

七

有嘉樹軒輯

胭脂到處畫能新神彩相憐有幾人檻外雲裳三島月
鏡中金粉六朝春筆花散綵傳香夢蠟炬飛光亂舞塵
好是華堂人定後一欄風露倚來頻

春歸還解駐春無占得穠春轉獨殊此後風流歸近侍
向來紅粉半花奴光傳驛騎三千里香染雲屏十二圖
却恐妍華消欲盡碧車寶馬溢城隅

牡丹五首

一枝已足莫中央始信花開別有王曉日漢宮新染額
春風玉殿乍垂裳流蘇夢醒迷輕霧金谷人歸倚夕陽
底事黃冠林下客酣歌一曲擬沉香

黃色

九天驚舞白霓裳蹴碎驪山曉月光雲母屏風空是色

水晶宮殿暗生香洛城三月飛瓊雪花史千春紀素王
一任繁華競紅紫胭脂浣盡試新妝

色白

風流還憶魏家妃不盡春光散紫微貝錦亂翻千步障
洞霞晴曳五銖衣分來佳氣函關曉奏罷朝天玉漏稀
珍重奇葩自瑤島不逢老眼看應非

色紫

仙人萼綠幻前身葉底玲瓏認未眞翠被堆雲香不減
青鸞臨鏡舞猶頻朝迷百寶欄邊草春隱藍關雪裏人
願得分擊鸚鵡杓隔花低唱遠山顰

色綠

名花十幅寫成圖艷色誰能更奪朱絳帳高燒銀蠟燭
玉屏春擁女珊瑚九光霞綺驚初散一捻脂痕辨已無
况值朝酣新睡覺紅欄風軟倩人扶

色紅

詩鈔彙存

卷六

弁江詩鈔

七

有嘉樹軒輯

歲晏雪中感懷五首

朔風飄日海雲沉卒歲徒煩漉褐吟自古黃金消士氣
幾人白水淡交心折譽肯乞陶公米焦尾猶憐蔡氏琴
背立衡門獨悲咤蕭蕭殘雪點空林

兀坐愁吟偈仄詞唾壺擊碎竟誰知海天一笑濶如許
冰雪幾人寒若斯劍氣空山塵不滅鶴心遼水翼還垂
雲羅掛眼層層密好倩長風萬里吹

雪聲獵獵曉風傳松火荒齋思悄然凍雀遠投三匝樹
亂雲寒壓四垂天眼前柳絮慵新詠夢裏梅花失舊緣
何似灞陵清興好瓊英十里送吟鞭

杜門三日雪不出奈余何愁眼看妻子高情負薜蘿驚

鴻頻惜影饑鳳強成歌去去竟安適寒雲入望多
寂寂此三十居然我丈夫青衫兒女淺白草海天蕪粟
愧籠中鶴巢驚幕上烏華林春意足借得一枝無

人日雪中重過高雲莊先生西齋留飲

西閣重來得盡窺謝家風絮董家帷入春七日寒如此
中酒三更坐不辭綠雪園亭追舊夢白狼游屐話前期
良宵儘爲耽幽勝香炷燈殘悵別遲

早春雪後訪婦翁高素琴先生於南郊草堂二首

已傳春意動江鄉仍爲衝寒問草堂十里青鞋泥滑滑
千溪白水雪茫茫到門一笑尋松火密坐溫言勝酒漿
骨肉窮愁差共慰閒情錯比孟襄陽

詩鈔彙存

卷六

弁江詩鈔

三

有嘉樹軒輯

強停歸屐罄盤桓太息貧居會面難人隔三冬驚老瘦
春回十日釀奇寒蒺藜忍逼愁中眼粗糲煩加病後餐
烟雨一犁諸弟在好憑農力締親歡

早春大雨雪書室外垣盡圯婦叔祖高雨船先生

塹內弟藍溪晴川墨樵輩攜酒見過酣飲達旦

是夕晴霽二首

雨洗頽垣雪漸融天開夜色轉瞳矇階前犬吠鄰扉月
窗外鐘傳破巷風半榻荒烟寒獨倚五更孤燭悵誰同
談詩賴有青邱客襍被分攜斗室中

霜落空廊取次行數聲街鼓月初橫踏冰枉赴春燈約
警夜淡慚白雁情狂倚詩城墜半壁寒憑酒力敵殘更

樽前賸有多歡笑好爲畸人慰不平

拜梅以白門柳枝詞書余扇感成絕句二首

小姑祠畔月初三柳影依稀送玉驂趁取行厨好櫻筍
從君小醉話江南

湘紈吟罷六郎詞疑有春鶯喚柳枝斷夢江南尋不得
隔窗梅雨亂吹絲

白門柳枝詞

斷橋無板臥枝斜閑殺春風白鼻騮多少六朝殘夢在
荒烟啼破一聲鴉

弔錢盱塘

彙嘉

病骨緘愁已自淡連牀哀思苦相侵

甫遭
兄喪

九原春草空

詩鈔彙存

卷六

弁江詩鈔

西

有嘉樹軒輯

同夢十載秋心祇獨吟俠氣猶橫天外劍幽懷長闕匣
中琴一尊蒲酒無情碧奠向虛幃涕不禁

卽席感賦

一醉難如此相期已隔年又拋淡院菊莫負小春天短
燭青霜裏疎星白鴈邊懸知離別恨不敢訴當筵

贈別羅兩峯二首

羅浮兩奇峯風雨作狡獪人行風雨中山空風雨外
漠漠海天寬離離帆影寒幾人圖畫裏猶作敬亭看

聽羅兩峯說鬼歌

荒林葉碎飛乾雨霜壓紙窗燈欲死坐客吟秋悄不言
虛帷獵獵悲風起天寒野黑無人聲一時銷盡熱中情

相對此間惟說鬼舉杯爲屬江東生生先衆客竦而立
閃閃秋燐雙眼碧欲說未說蕩我魂四座爲之皆歛息
山阿薜荔西陵烟撫卷追思常颯然矧君手口作圖繪
紛如百怪羅其前老魅怒啼出淡樹陰雲迸裂毛髮豎
突兀猶疑欲趲人驚心直到無形處髑髏更假殘妝面
迎夜窺人時隱見一縷游魂慘不收泱泱水月白成片
有時雨洒青楓梢陰房鬼族潛相招新大故小倏而王
燭之會不爽秋毫吁嗟乎羅生之舌如鑄鼎羅生之目
如懸鏡直向虛空寫幻形百年一視幽明境剪燈話竟
羣無譁空堂人影相周遮雄雞口噤不成唱夜半荒原
聞鬼車

詩鈔彙存

卷六

弁江詩鈔

五

有嘉樹軒輯

夜飲讀梅閣看木芍藥三首

莫怨今春非我春雕欄春色正迎人風前側帽狂猶昨
病後逢花意倍親三月管絃驚斷夢幾年櫻筍負芳辰
煩君淡夜頻開酌仍恐煙鬟認未真

艷態齊矜洛苑春潘郎况復玉爲人幾從鸞鏡分香影
疑向瓊樓話夙因拂石乍憐微病酒寒帷猶恐暫沾塵
莫書花葉輕相寄未必朝雲許見珍

暖風遲日城南路曲水雙橋古寺鄰石尉珊瑚曾吐艷
楊家綉幄解留賓尊前覓句調芳蝶花外行雲悵美人
五載心情忘不得剪燈重話醉中春

秦淮坐雨有懷玉峯梅原諸子

隱隱輕雷空外聞，高樓凝望失斜曛。風前龍笛還吟水，雨裏鍾山欲化雲。梧葉千聲秋漸急，江鷗幾點迹猶分。憑欄眺遠虛惆悵，聊傍西窗開典墳。

雨中遲江上諸君不至

涼雲垂幕暗江天，客裏琴樽祇自憐。梧葉秋驚三日雨，荻花洲宿幾人船。空尋雁影荒烟外，怕聽簫聲斷夢邊。不有連牀朋好在，閑愁那遣夜如年。

水樓晚眺

倚樓人在斷鴻邊，殘笛西風悵遠天。柳外六朝秋夢杳，星光燈影亂江煙。

僧院牡丹

詩鈔彙存

卷十八

弁江詩鈔

六

有嘉樹軒

半拂珊瑚半舞鸞，幾明珠障幾雕闌。江城到處春如海，只合青蓮影裏看。

曙嵐有僧寺看花之約不果來戲誌

何事探春興轉闌，花宮淡鎖竹秋寒。應愁了盡空中色，只傍楊家綉幙看。

竹醉日同人集飲舅氏范東峯先生宅宅係水繪園故址六首

澹日微熏醉竹天，招游况值好林泉。東山喜踐尋芳約，拋擲鶯花已二年。

水雲搖漾竹書光，一曲龍脣奏晚涼。絕似米家船作宅，空明無日不瀟湘。

紅燭迎人興轉濃分曹擬聽五更鐘醉鄉偌大不同醉
醉竹當窗含笑農

醉後頻呼老辟疆騷魂合在水雲鄉三千賓客十千酒
百二年來無此狂

我醉且眠山竹根竹風習習吹酒魂何時却作入林計
及爾同翻老瓦盆

碧天呼月夜飛觴酒氣淋漓三日香第一醉鄉誰占得
傲他林下十分狂

紅薔薇三首

黃梅小院夕陽天半壁晴紅不受烟艷比緗桃還百媚
柔于人柳恰三眠翠屏低舞驚飛燕寶帳橫陳憶小憐
詩鈔彙存卷六 弁江詩鈔 七 有嘉樹軒輯

一任牡丹春似海風光新占藥欄前

想見風流擁翠筠依稀不辨月中人半開欲奪三千寵
一笑還留九十春香孕玉鷄原有色露分金掌絕無塵
却憐知誥清狂甚闌取江花五夜新

鎮日緘情對阿嬌花光人影兩無聊拂殘舊雨還今雨
開遍長條復短條此日含嚙春不遠他時叢棘恨難消
蛾眉老去黃金貴卮酒何緣破寂寥

移齋六首

偶作移齋計幽棲愜故吾春應緣我住狂不受饑驅入
座延林彩違山失蟪蛄自來清徹骨非是樂無徒

山棗花爭發江梅葉始繁夕陽紅半壁疎雨綠當門蝶

夢清先覺蜂房濕未喧幽人耽物趣微笑倚前軒
竟日茶烟裏逃禪獨掩扉味從空外永聲入定中微止
水觀塵妄勞薪悟昨非閑情消許盡恐逐落花飛
始覺琴樽樂居然木石幽卑棲有如此褫褐亦風流嘯
咏真吾事齏鹽任婦謀休嗟櫻世網天地戶庭悠
豈應用卿法聊亦愛吾廬拙笑蒙鳩羽才慚鸚鵡車頻
年工畫虎竟夕嘆枯魚任爾顛風惡巢林尚有餘
爲問故山石何時供薜薇愧分仁祖粟狂典杜陵衣酒
海三春澗蘆蘆一葉微誰能逐升斗愁坐負芳菲

和舅氏東峯先生見贈原韻

有鳥孤飛號信天海東何處覓桑田慣排碧漢鴻邊字
詩鈔彙存卷六 弁江詩鈔 十一 有嘉樹軒輯
耻負揚州鶴背錢半世樊籠仍繫此幾時吟嘯獨迢然
秋風鍛翮勞相惜勝結支公物外緣

月夜集彈蕉館觀新漲同人分賦三首

別穿危逕叩幽扃待月濠梁屐許停細柳微分烟外界
亂蛙疑雜雨中聽雲羅忽破驚投壁水鏡新磨不受萍
記得隔年風月夕過溪人踏草痕青

星光瀾影泛無邊人語斜穿竹外烟纖月半浮青草渡
夕陽纔沒白鷗天波環南北涼于海景入虛明地亦仙
酒罷臨池還悵望遠鐘樓角總茫然

三日積霖愁獨臥一方流水遠相思風波已分連高枕
文字聊應覓素知天與泥塗人不辱地分水月夜爭奇

同游未必輸陶謝遣興慚吟短述詩

懷羅四兩峯

西風吹鴈隔晨星蓮社當年屐屢停烟海浮杯雙眼白
秋原說鬼一燈青梁間花雨懸孤榻夢裏雲峯寫敬亭
爲報當壚人似昨解貂還擬醉湘醺

客崇川偶過某氏別院顏垣邊見牡丹一枝光艷
殊絕爲目奪久之

一枝驚向短垣看艷色還傾鏡裏鸞豈藉樓臺纔益麗
縱遭風雨不能寒何時對酒春如海有客懷香晝倚欄
但得蓬壺仙種在任他榛莽暫叢殘

乙亥歲記與陳三劍門李四蘿村借榻光孝禪院
詩鈔彙存 卷六 弁江詩鈔 五 有嘉樹軒輯

詩酒浹旬頗極歡趣今復寓此寺則劍門以公
車待試燕都蘿村歸隱浮玉不面且十載餘矣
追憶何止十年遊禪榻茶烟許更留鈴語喚殘今夕雨
桐陰消盡昔時秋與蘿村會賦桐陰詩酒邊人遠豐台路夢裏雲
溪海嶽樓塞北天南虛悵望孤唵誰負舊風流

寺院初夕

獨立花宮叩杳冥登年塵屐幸初停定中索解鈴音善
空外憐才佛眼青一院風花飄斷夢幾人烟海隔晨星
維摩似有三生約暫許鐘魚伴獨醒

寒蛩三首

閉門黃葉中孤燈耿寒綠冷雨颯無聲暗上蕭蕭竹誰

來牀下吟唧悲不堪續

欲續竟無音餘響隔幽幔不比秋聲多轉使煩憂亂爲君鼓一絃停琴獨長嘆

長嘆復誰憐半壁空爾汝霜林答遠音落葉清堪數寥寥抱冬心此怨共千古

又四首

送徹秋聲出遠林空塔還戀草根吟霜青月白燈殘夜訴盡詞人一寸心

哀吟不數鴈聲工愁和西窗落葉風况是客心清不寐五更寒雨亂山中

咽殘霜露入寒更着底哀唸尚不平聽到無聲空有淚詩鈔彙存卷六 弁江詩鈔 二十 有嘉樹軒輯

幾人頭白爲卿卿

半壁霜篝獨爾親苦吟偏感杜陵人任伊咽到無聲處不逐寒禽媚小春

題友人冊子五首

梅花幻影

梅月杳難分春魂欲化雲淡中如有吟空外竟無聞石髮餘香露霜痕想練裘披圖非昨夢林下問夫君

燕磯秋泊

是昔維舟處三年別至今何人畫秋水令我夢遙岑蘆影千帆靜烟痕半壁溪行當凌石燕洒洒一長吟

泛海圖

一葉看身世飄然入大荒只餘天在水何處石爲梁九
點浮烟淡雙丸趁影忙願言同濯足高詠寄蒼茫

風木圖

野澗知何往天高愴獨聞倚風驚落木吹淚染秋雲寸
草心仍結慈鴉哺自分茫茫圖畫裏悄立悵斜曛

就傅圖

總角趨庭日春風授筆初膝前嬌問字花底學攤書此
景那長在壯懷愁不如低頭勉兒子珍重惜三餘

墨樵五內弟新婚時初赴金陵秋試抱病南歸愈
猶未浹日也四首

芙蓉枝畔月初三照見紅鴛夢乍酣譜得秦淮佳麗事
詩鈔彙存卷六 弁江詩鈔 三 有嘉樹軒輯

枕邊細與話江南

芳心一點托紅蘭客裏西風巧耐寒十里揚州人似玉
珠簾捲盡不曾看

畫眉人倚小銀屏着底拈毫却暫停爲憶秋江眉樣好
偷來一髮遠峯青

碧雞聲裏夜迢迢百疊柔情話未消莫倚楚宮矜第一
也應憐惜沈郎腰

時病人亦
病初痊

嶧山道中口占

風沙滾滾接蒼冥滿地春愁愁不醒千里獨懸雙白眼
今朝纔爲嶧山青

過安樂城

鷄唱烟中犯曉征馬頭殘夢續難成可憐客路勞如此
容易行過安樂城

燕京客舍看瓶中芍藥四首

穠華咫尺豐台路不斷風沙何處尋十里香拋游子屐
一枝春戀美人心碎零芳露沾荀座紅入瑤箋佐謝吟
記得萬花叢裏醉酒痕和墨上衣襟

一剪濃香破曉雲玉瓶三日襲餘芬客多善諱聊分笑
花到將離可戀羣風定當堦簾半捲春留小閣日初熏
阿誰持贈蘭洲外夢斷煙江少女蓑

花信匆匆客裏過別離人奈可離何分來燕市春無幾
惹得楊州夢最多露滴軍持香入淚光生婪尾酒添波
詩鈔彙存 卷六 弁江詩鈔 三 有嘉樹軒輯

一枝莫惜看珍重會供江南舊醉歌

買向黃塵總不清插來春水獨含晶幾曾載酒酬金帶
也筭看花到玉京幽鉢尋詩違素侶豐臺走馬半朱纓
幾人寂對空齋裏聊借狂香浣俗情

客中得芍藥數枝戲以酒瓶插之

一枝婪尾剪輕羅室乏藏嬌奈爾何未必美人甘骨醉
畧教素女亦顏酡花非頓遜春酣足艷比當壚浩態多
若許夜窗幽卧近酒魂和影共婆娑

夏杪歸自都門見寓宅紅薇盛開有思橋北故居

客裏逢花觸感多歸時錯認舊庭柯十分紅處愁無賴
百日看來奈爾何故巷柴門明返照西風薇院隔鳴珂

依人三徑曾非昨忍見餘霞點碧莎

補題花朝讌集圖三首

并序

余以辛卯孟陬賣賦燕臺奔走麴塵者幾累月
卽春非我春花朝又無論矣南歸後學友王子
出同人讌集圖眎余且囑小山貌余補列其次
雖景光不屬而韻趣常新呼我爲圖中人正復
興不淺耳

記從馬上逢寒食帽影鞭絲轉自慚今日百花圖裏見
輸君占斷好江南

阿堵爭看善寫生花光人影苦分明誰憐二月河間驛
斷雨零烟夢雉城

詩鈔彙存

卷六

弁江詩鈔

三

有嘉樹軒輯

纔過花朝又雪朝春風不斷衆香苗他時白社同來往
消得鶯聲酒一瓢

題友人紀游冊子

栖霞峯頂觀日出

江濶峯危暝不通飛光一線啟洪濛六朝松影明殘碧
五夜濤聲瀉遠紅渚雁忽驚山靄外天雞遙唱海門東
何人對此誇奇絕欲向扶桑曉挂弓

錢塘觀潮

筆底魚龍尙奮揚壯心日夜憶錢塘堤邊雪壓千峯白
天末風摧萬弩強有客橫江盤怒馬幾人按劍倚危檣
喧豷滿耳今何處化作松濤一枕長

北征

銷盡江南兒女情，高歌揮袖獨長征。
一鞭迴指山頭雁，亂折寒敲雪裏城。
蒼莽風煙添俠氣，輕狂裘馬笑浮名。
幾人挾瑟長安市，待爾同袍醉玉京。

山塘紀遇

真娘塚畔夕陽時，豈有芳魂出劍池。
鬢影掠花簾未下，衣香留水棹初移。
麋城碧草羞春色，蘿徑飛烟惹夢思。
記取玉臺新詠在，好拈紅豆寫烏絲。

邗江夜泊

水邊燈火城頭月，城裏清歌水面簫。
十里樓中春闌酒，二分月底客停橈。
鐘殘法海星初轉，煙鎖雷塘夢未消。
詩鈔彙存卷六 邗江詩鈔 有嘉樹軒輯
料得舫吟狂御史，玉鈞咏罷總無聊。

聽繆校書彈琵琶卽送顧子玉亭返江南二首

柔于春水嬾于雲，愁裏清歌醉裏聞。
唱到哀絃聲絕處，一簾霧雨夢湘君。

扁舟載夢客還家，霜壓楓林鳥不譁。
酒醒不知人遠別，五更殘月喚琵琶。

送范雙桐入都二首

射雉城頭寒照沉，射雉城外遠烟深。
送君匹馬踏紅葉，且復輕橈吟水潯。
江國鶯花兒女夢，平原風雪古人心。
丈夫意氣關飛動，肯學寒鴉戀舊林。

長堤柳色三千里，曾向春風策蹇行。
愁裏苦吟紅藥句，

花時真負鳳凰城玉京結客饒仙侶名士求官豈熱情
期爾豐台一杯酒解鞍同聽曉鶯聲

菊畦謀酒詩

并序

內子蘊華歸余十有六載荆布蕭然并自力
泊如也茲秋九月六日年屆四十余以射策報
罷塌翅南歸橐中金盡矣詩酒外愧無以爲若
壽因吟吳野人壽內詩云不能沽酒持相祝依
舊歸來向爾謀相與破顏久之聊作此圖毋令
南山叢菊笑人寂寂耳

世俗重羅綺嫁女必金夫遂令蓬室子容彩鬱不舒倡
隨愜真趣天作之琴書不見林下風百年清有餘嗟余
詩鈔彙存

卷八

弁江詩鈔

五

有嘉樹軒輯

性遠俗才拙愧散擣藜藿十六載誤卿以腐儒科名匪
文繡疇云麗厥軀射雉倖偶獲破涕聊自娛西風籬下
來黃菊羅四隅汝今值四十斗酒誰爲儲脫釵貫美醞
大笑歸吾廬壽汝復自壽高吟傾百壺酒酣不成舞醉
倩黃花扶寄語金屋人此樂較何如

秋晴遠眺三首

澄懷息衆喧霽色洞瀟灑抱此心上秋嘿向遠空瀉孤
帆淡若鴻流雲駛如馬得句墮蒼茫無言立大野
百雨無一晴空簾閉秋氣弔影等蛩螢苦吟時獨慰晴
光煙外歸遠水清于渭乃知曠士懷儵然絕靉靄
曠懷不可收晚風眷餘爽民動積煙中心閒白雲上秋

鐘泛遠音夕景消林莽何處問蒹葭拏舟事幽訪

戲咏史事十六首 錄九

石頭磬室已空懸瓜字徒教着馬邊誰爲官家輸妙筭
黃門生小慣埋錢

東南民力劇堪傷寺建湘宮造作忙
記否木槽供食日個中風味屬豬王

宮幃寢疾侍君王嗚咽真堪淚萬行
誰意連環書喜字宛成三十六鴛鴦

六貴同朝亂已萌可堪蓮步更傾城
雍州鼙鼓橫江下內府猶聞却犒兵

江陵國事日滔滔袁馬猶聞仗節高
不道風流沈家合詩鈔彙存 卷六 弁江詩鈔 三五 有嘉樹軒輯

却教天子醉醇醪

文綺猶捐人獸形素牀解誦涅槃經
誰知白骨浮山道十萬游魂化斷萍

五千文字寄干城未抵橫磨十萬兵
圖籍那關興廢事却教餘火煽秦坑

七載稱藩紀後梁內庭愁見美人粧
緣何六代風流主只索溫柔老此鄉

朱雀門邊草木秋六宮消蝕舊風流
江南天子無愁思猶向長安作醉侯

古城

殘堞竟餘幾暮雲寒不開登臺延返照
孤客暫徘徊

吹晚空發半牛還自來風高秋草勁濠水亦生哀

暮山

何處烟光紫孤峯杳靄間幽人憐晚景天意屬秋山松
火岫邊出樵歌空外還夕陽看盡滅紅葉尙餘殷

斷橋

曲澗寒流急危橋半有無泊堤荒艇遠問渡一僧孤隔
岸犬空吠橫波柳半枯褰裳如可涉烟際問樵夫

老鶴

城郭亦云改霜毛何縱然千年雲外夢萬里雪中天瘦
影幾回顧一聲空自憐歸山看鷹隼健翮好高鶩

禿樹

詩鈔彙存

卷六

弁江詩鈔

毛

有嘉樹軒輯

不受新霜色凌雲勢未降有根啣斷壁無葉點空江暮
雨聲偏靜斜陽影不雙夜殘聞老鶴孤月掛山窗

敗葉

暮景數枝葉蕭蕭掛遠空聲乾驕雨勢色淺厭霜紅剩
欲拋荒逕寒猶戀故叢但存生意在不敢怨秋風

秋草

平蕪秋色遠立馬向霜空一逕自黃葉千山聞亂蟲寒
分叢菊雨低偃荻花風愁絕王孫路歸思隔斷鴻

新菊

舊摘人何處尋秋野水濱一枝初冒雨三逕久生雲插
帽添新韻唵詩覓斷芬重陽還幾日早爲醉斜曛

病僧

禪堂秋氣肅寒日晝淹淹瘦骨爭霜冷枯容與竹兼茶
烟常遶榻花雨不侵簾鐘罷扶筇立山風分外嚴

殘蝶

孤飛緣底急無賴是空林綺思仍如昨消魂直到今菊
寒香自老蘆白影難尋嘆爾雙翎薄嚴霜莫漫侵

古城後十首

古堞半雲埋茫茫夕照開草深饑鼠闖垣缺野鷹來却
憶崇墉日曾資版築才猶然一保障莫嘆隱蒿萊

暮山

積水空濛外殘陽照曜間淡黃留半額餘翠約雙鬟天
詩鈔彙存卷六 弁江詩鈔 天 有嘉樹軒輯

鏡寒如拭秋容靜且閒莫教霞綺散留待白雲還

斷橋

伊人久不出畧約看成無澗古松全折霜寒徑已蕪何
心題柱石有夢隔菰蒲謝爾流臨客空勞問僕夫

老鶴

萬里心猶昨飄零碧海邊暫緣松蓋隱不受鳳雛憐翻
任蒼元變書將甲子傳塗修如獻汝好入白雲篇

秃樹

剪伐頓如此蕭然倚暮江一枝今莫借此樹昔無雙幹
古仍穿石陰空不庇窗何須怨斤斧翻悔托名邦

敗葉

居高不自守強欲作花紅縱戀南枝日能辭北嶺風根
原輸翠栢色莫炫丹楓嗟爾隨泥滓何堪認故叢

秋草

托根非異土秋至竟飄蓬寸草心難滅春塘夢已空青
袍餘故我野立聽霜風隴首今何處荒寒暮雨中

新菊

臭味經秋隔南山空白雲一枝憐汝瘦荒逕又斜曛恍
晤松陵友重披冰雪文露香寒欲歇珍重試清芬

病僧

積花盈丈室底事不開簾豈解四禪縛還愁二豎兼善
權原自瘦摩詰未終淹却嘆勞生者膏盲待爾砭

詩鈔彙存

卷六

弁江詩鈔

五

有嘉樹軒輯

殘蝶

世態輕飄泊低飛胡至今誰憐如葉影會締百花心越
女奩應冷滕圖跡已沉倘餘金粉在重見耀華林

編籬

四望會無界空明水竹居似嫌叢槿密聊作小籬疎插
岸還通曲穿花畧補虛非關防遠客藉爾護琴書

補屋

面城疑在野草閣傍林阿幸免秋風破其如春雨多簷
窺新鳥雀痕帶舊烟蘿了却綢繆計翛然一放歌

移梅

殘雪屢來久停鋤增慨思披榛誰惜汝托幹竟于斯野

圃拋寒夢高齋延素姿風前同一笑孤立爾何疑

植柳

披拂已如此無言凭水窗因君植絲柳令我夢烟江弱
豈辜風幔輕纔撲酒缸環溪諸女伴眉嫵學無雙

栽荷

臨池忽惆悵遠夢越江南不見碧藻影還期僊客探靈
根烟際插空色鏡中涵初日應留照泥淩莫自慚

護竹

詠竹平安否東橋倚夕曛折會因疊雪抽好及凌雲碧
玉羣芽淺斜欄一逕分主人用幽意持護半緣君

種蕉

詩鈔彙存

卷六

弁江詩鈔

三

有嘉樹軒輯

種蕉如種竹水石佐清幽每到涼陰日虛窗併一秋葉
稀偏耐雨心弱早緘愁孤館煩相對新詞爲爾抽

鋤草

都無芳草色惟見水泠泠細雨鋤還把空山戶半扃花
如根淨土苔不上閒庭何似濂溪畔痕餘隔歲青

分菊

春苗何太淺列植苦分明寸草疲羣力高人愛晚名瓦
全聊用拙竹立早同清想見垂英日幽香入戶盈

洗桐

洗桐不辭倦輟洗更閒唵爲愛新柯色能傳高士心夕
陽明斷雨流水入虛琴此意真無染碧雲空外淩

編籬後十首

偶爾編成竹羅羅鹿眼疎花毋分畛域水不礙清虛仍
縱高人目聊防熱客車幾時同采菊小作閉門居

補屋

嘯歌原不出奈此做廬何幾日又風雨煩君事斧柯水
邊黃竹潤雲外白茅多薤茸聊需爾還看帶薜蘿

移梅

索笑還疑夢空山十載思寒分塵外影春到酒邊枝破
萼酣新雨披香認故知孤根忻有託榛莽莫相隨

植柳

一樣金城種分行植水窗風前皆楚女簾外卽吳江細
詩鈔彙存卷六 弁江詩鈔 三 有嘉樹軒輯

雨輕籠燕春星遠吠龙攀條思異日婀娜會無雙

栽荷

豈共仙人植虛煩謝客探何時吟水曲昨夜夢江南蟠
屈泥塗隱空明佛性含會須褰翠蓋一笑倚朝酣

護竹

愛此林塘趣清光總在君澤根資沃土封色借閒雲草
逕緣林斷烟籬逼水分無勞參玉版剝啄晝稀聞

種蕉

孤館號忘憂春風却種愁纔禁三日雨已借一欄秋殘
雪骨猶凍綠雲書半抽自堪清客夢况復倚寒流

鋤草

一逕閉春雨茸茸無斷青
問花妨短屐荷插帶晨星
稍藉香留蝶何勞腐化螢
芟除君莫惜餘綠滿烟汀

分菊

苦愛霜姿好幽人事曉耕
一籬春雨淺三徑土花平
傲骨扶猶弱餘香掬已盈
靈苗不勝日且莫放新晴

洗桐

修梧定幾尺拂拭到于今
物我俱淨雲林空復淡
橫琴臨古鑑汲井見秋心
藉爾全高潔微塵莫浪侵

枯樹同仲松嵐作

斤斧何堪日見尋輸他惡木
十分陰花時曾擅無雙譽
折處空留不死心
幻作假山堪代石
爨餘焦尾尙成琴
詩鈔彙存卷六 弁江詩鈔
三 有嘉樹軒輯
化工不是偏遺汝依舊春風吹到今

題宮霜橋聽秋圖

木葉打江江急流茫茫身世付扁舟
塵中無耳空言洗心上何人別有秋
譜得哀吟酬斷鴈輸將冷夢與閑鷗
他年我亦從游釣好共蘆花耐白頭

鄭情瀾讀書秋樹根圖

殘葉憂微風秋聲仍在樹誰攜
冰雪編閒吟面秋宇讀書尙曠懷
豈必在鍵戶笑彼漢大儒乃不窺園圃
冥鴻天末來聞聲輟其羽爲君答遠音
嘹唳清堪數兀矣據梧人忘言洞千古

陶侃運甕

朝亦運百甓暮亦運百甓致力恐不前矧敢效居息出門望中原典午運方昃羊車詣聰奴青衣慘無色丈夫建一郡誓將夷國賊時去惜分陰習勞乃厥職我讀中興書懷公多異績檢吏非一途垂戒及博奕王事苦無暇胡爲患邑邑有鞭須早著有楫須早擊各力而同心惟彼琨與逖咄哉新亭囚對酒空懷惻

蔡文姬歸漢

閭節疇不敦多才轉自恕皎皎中郎女乃許羶塵污去國十二年思歸邈無路左賢亦稱王所愧夫非故舊義感奸雄金璧遠行賂遂令明月姿慘然出沙霧覆水不再收吐哺不再茹買膠續舊絲琴絕復成御昔懷漢月詩鈔彙存卷六 弁江詩鈔 三 有嘉樹軒輯遠今望塞雲度有子實非族何乃繫情慄載咏悲憤詩掩面淚如注

滕邑墜車抱疾南歸二首

縱被浮名役終難覆親亂山孤劍影千里獨歸人出險聊安命辭榮合保身妻孥還我賴未敢委風塵千里強成別思鄉殊未閑誰堪脫輿輻曾不唱刀環山引愁中路花憐病後顏到家悲喜後秉燭話更闌

野菜二首

鬪殘烟草別成叢荒圃春寒細雨中挑處祇應煩弱女種來會不藉英雄根殊左右流萍斷味許闌干首菡同曉日一肩淡巷裏賣芻聲過喚東風

草入朱門一削青托根何獨戀荒町也隨細雨爭先甲
未許春盤釋上丁味豈菰蓴牽遠思廚非櫻筍有餘馨
微名野老應全識肉食紛紛嘆未經

題黃瘦石家伶吹簫圖二首

隔江明月玉人簫桃葉吹殘恨未消忽忽披圖疑舊夢
聞聲對影總無聊

響斷紅橋二十春芙蓉無路覓芳津羸樓舊譜休頻按
才是揚州夢覺人

垂絲海棠五首

并序

昔唐張嘉貞五女皆殊麗欲婿郭元振未卜誰
偶乃令五女各執一絲郭於幔外牽之迄今與

詩鈔彙存

卷八

弁江詩鈔

五

有嘉樹軒

寶屏射雀傳爲艷事海棠花中之麗兒也爰以
五絲配之而詩亦準以五云

晴絲裊入百花叢一樹新分蜀錦紅綵縷乍穿榆莢雨
柔魂不斷剪刀風慣縈春夢蓮房香解綰芳心柳帶同
萬種風流卿繫得笑他浪蝶苦西東

一縷羞分百和香祇將艷色罩羣芳染來似怯脂痕重
颺去翻憎綵線長金屋停梭飄夢雨綺窗罷綉折殘陽
美人薄命應能續不是秋花莫斷腸

消得丁香百結情紅絲眉日不分明縑成未織鶯梭懶
落處無聲燕剪輕好絆春愁歸綺閣不隨薄絮繞江城
朝來微颺嬌無力欲倩東風解宿醒

恨無秘閣可藏嬌，嫋嫋春魂到此消。空向金尊惜金縷，
爭如紅線倚紅綃。柔生百媚牽梨夢，細入無痕失柳腰。
不道神仙花裏似，却將愁緒故相撩。

抽盡春情半未蘇，風姿誰似此花殊。同心合締無雙色，
隔幔剛牽第一姝。豈是殘機懸貝錦，漫疑漏網罨珊瑚。
紅閨妙手應煩汝，刺出天然沒骨圖。

楊花四首

春夢無痕何處尋，昭昭白日滿空林。幾番撲老青娥髻，
千里飄殘蕩子心。欲返梅魂歸玉笛，重勾雪影上瑤琴。
江城紅雨風吹盡，還向池塘點綠陰。

茫茫非霧亦非花，風定還看颺碧紗。新夢更縈殘夢外，
詩鈔彙存

卷六

弁江詩鈔

三五

有嘉樹軒輯

閒愁應滿莫愁家，如霜不化春雲熱。避雨爭飛夕照斜，
我未白頭頭竟白。消魂幸不在天涯。

前碎春魂淡不分，煙開池館午風薰。一簾輕壓梅黃雨，
夾岸晴消水面雲。慣點青衫空誤我，會吟謝絮又逢君。
撩人愁緒全無迹，未比飛花弄遠芬。

溫柔鄉合白雲鄉，輸爾輕浮着處狂。萍水他生仍有蒂，
蘆花同夢本無香。絲牽空碧留春影，蝶趁晴暉亂粉光。
惹得捲簾人乍醒，高樓遐睇入微茫。

送春效香山體

杏花紅隔烟江水，拋擲春光一千里。雪棹塵鞅底許忙，
歸來閉置屏風裏。風裏愁病經旬恐，誤春出門春已不關身。

城南城北苦相逐兩度吟詩愴我神去年曾醉燕台酒
今年空賦官堤柳危途萬一化飄塵那得花前杯在手
遊絲欲勒春魂回百舌無情抵死催解向愁中促春去
幾會閒裏放春來春來春去同飛霧千金買春春不顧
楊花似惱惜春人茫茫迷却春歸路

美人撲蝶圖二首

拾殘香草意慵回鳳子雙雙鬪影來看到兩情癡絕處
不知紈扇落春苔

春蕪夢破又斜暉愛向同心扇底飛越女多情能作佩
不辭雙入碧羅衣

欲撲未撲中含情欲飛未飛如爾迎物懷人意兩不隔
詩鈔彙存卷六 弁江詩鈔 三五 有嘉樹軒輯

聊向落花尋宿盟

韓信釣臺

一竿尚足老英雄列爵何嫌與噲同若解真王元是幻
豈應國士竟無終生慚絕智輸兒女死悔前身負釣翁
楚壤齊封何處覓孤臺指點夕陽中

漂母墓

漢澤何如楚婦人千秋俠骨出風塵百城王我終歸詐
一飯憐才始是真空有黃金稱報德更無青眼屬垂綸
當時一片行營地還與孤墳作比鄰

下相城懷古

兵連十壁竟誰陳叱咤風雷捷若神天下何人知有漢

江東無爾孰亡秦可憐末路迷田父空把悲歌報美人
下相城邊殘照暮楚花開徧亂山春

望黃石山

千秋龍虎片雲空遺蹟猶傳黃石公雙履不妨勞孺子
尺書多事授英雄赤松游侶何緣覓漢幄功名未易終
盍不相招圮橋畔早教辟穀入山中

滕縣懷古

滕子城邊懷古春荒祠還與路碑鄰短長五十疆非舊
潤澤君臣國未新野草縱橫空似繡林花明白尚如銀
只今風教齊南北負耒真爲聖世民

謁孟廟

詩鈔彙存

卷六 弁江詩鈔

三

有嘉樹軒輯

松栢無聲拱夕陽巖巖氣象肅升堂王前道重堯兼舜
天下言排墨與楊周制空傳滕井地廣居如見孔宮墻
嶧山泰嶽遙相接立馬難辭鄒魯鄉

望泰山

伏巘迴巒總莫鄰高雲遙壓魯邦春寰中巨鎮瞻元子
天外青峯揖丈人日觀幾時容望海松巖何處辨封秦
無緣絕頂乘風去惆悵勞勞馬首塵

樓桑村

風沙滾滾亂村烟立馬樓桑古道邊此地王孫曾織屨
他鄉帝子又啼鶡人中龍鳳徒爭附天下英雄祇自憐
沛里春陵湯沐地酣歌贏得說當年

九日文游臺登高

層臺面面納寒烟，消歇風流七百年。客裏登臨逢九日，醉中唵嘯狎諸仙。秋隨鴈影沉雲外，天遣湖光到酒邊。晨夕掛帆東海去，明珠如月向誰圓。

和梅原留別元韻八首聊自寫懷不必盡酬吳也

乘興偶來觀海市，二年踪跡暫浮家。青山未買身難隱，白鷺無愁鬢亦華。水月却迷三里霧，樓臺空指十洲霞。迢然一嘯心千里，隨意春風許看花。

不厭溪山飽蕨薇，舉家難與俗相違。惠夷畢竟誰工拙，鹿馬紛紜任是非。陸處聊同舟作宅，夜行何用錦爲衣。從今倦洗巢公耳，慣聽林蟬噪夕暉。

詩鈔彙存

卷六

舟江詩鈔

三

有嘉樹軒輯

骨相由來山澤臞，虎頭食肉分應無。羣誇夫婿東方長，我惜田園五畝蕪。風雨難籌菜戶密，雲霄孰念羽毛孤。苦吟禿盡中書髮，剩有江花入夢敷。

淫哇四起輟聲詩一瓣，千秋孰與期。欲鑄黃金翻笑錯，剛調紅粉早宜時。幅巾愧我才樗，散長劍看君佩。陸離騷雅卽今虛，半席涼風天末苦。相思

幕裏藏賓不見超

別後匿居石青江處信宿乃去故戲及之

一尊無分永今

朝大江烟水神游湖，秋夜魚龍影動搖。六月豈同鵬暫息，萬松聊許鶴相招。

時赴省試先期讀書樓霞

看君小試吳剛手，莫

倚瓊樓首重搔

吳山跋馬氣峻嶒，半醉題詩處處登。歌舞何心尋碧玉

興亡多事覓前陵
嶺頭鐘喚三秋夢
雲外曾攜七尺藤
笑殺垂竿東海客
苦吟無伴面宵燈

閉門那有石堪語
得醉且尋鷗
共眠萬事萍蓬隨
聚散一心冰玉敵
清堅雲霞莫爲新
交易江海同看古
月懸誰道相思隔
千里此身如載李膺船

故人落落晨星在

謂晴皋杏原諸子

天塹茫茫道路賒
入海無

緣拾瑤草涉江有夢問蓮花
名山舊約輸南鴈
僻壤秋風起亂鴉
安得狂吟最高頂
醉看浴日夜生華

詩鈔彙存

卷六

弁江詩鈔

三

有嘉樹軒輯

崇川各家詩鈔彙存卷十九

里人王藻菽原編輯

男王瑣榮澤瑣校字

李紅橋敘傳

大海之濱五山之麓有隱君子焉時人所稱竹人曹先生者也先生名星谷字御香別號竹人世居通之海門縣呂江坍會王父夏珍公始遷州城北七里秦灶王父蘇橋公讀書能詩精書法父釣舫公諱一蕭維揚名諸生顧不遇呂明經終其身教子嚴嘗撫先生而歎曰吾有子能繼吾志矣先生長而工詩文兼書畫釣舫老友崔果園嘗謂公公云令郎雖少年書畫出人頭地詩古亦多在乃翁之上公笑曰取科名制藝爲重小兒入股正詩鈔彙存卷十九 嶽置堂詩集 一 有嘉樹軒輯

賴老夫斲削耳釣舫公故貧先生幼隨父母適遠館鷄衣藿食瞻依膝下母嚴孺人尤憐恤之嗣後八遷其居中間嘗與治圃者爲隣書香糞穢相雜竝處其憔悴可知也先生性孝友旨甘必奉其親每飲食先兄弟而後已艱難中生事塋祭頗竭其力父母歿有寡妹弱甥依先生呂居性嗜佳山水遇奇絕處輒欣然獨往嘗應滁守聘校士南譙公正傾多士暇則屐齒常在醉翁豐樂間晚年鍵戶不出自題廬曰歇脚尋搆嶽西草堂讀書歌咏其中先生讀書不滯章句好博覽尤精莊騷論古有卓識未嘗曲徇前人爲文縱橫自如雖嘗受知當路而場屋輒不利詩體自出機杼不蹈襲前人一字而精

淡華妙極追琢而無斧鑿痕往往苦啞徹夜一詩成不知遂良之鬚鬢盡白也書畫亦具瀟灑橫逸之致四方求者甚衆爲人渾樸敦古道處已接物一呂忠厚慈愛爲主不妄交亦不輕絕人踈於酬應拙於治生家雖貧用財不甚惜呂是境益困然習窮餓甘澹漠詩書之味老而愈出自信甚堅論人絕少許可不求合於世俗不受屈於豪貴唯當雲山竹樹詩酒棊棋良辰美景山人逸士緇衣黃冠之流交集迺一當意非是卽華筵高會笙謔盈前視之蔑如也常呂世業儒窳年矻矻不一得科目私自憾論者謂文學如先生雖不遇於時下筆自足千古豈呂浮名爲重輕邪所著書不一種草堂詩集

詩鈔彙存

卷十九

嶽西草堂詩集

二

有嘉樹軒輯

先刻問世時乾隆乙巳年五十有五

紅橋屈士曰余過嶽西草堂與先生持苦苦捉麈尾議論媿媿達晝夜先生迺無一點塵俗氣久之愈挹其味彼徒曰兀傲日先生者非知先生者也

嶽西草堂詩集

曹星谷竹人

打柴行

上山去打柴打柴至日旰下山去賣柴柴擔白雲亂山上豺虎兇樵夫狎相從山下無豺虎而反增愍容經過市門首疆者挾而走償值能幾何焉得活數口樵夫樵夫歸去脩斧柯打柴將奈何

上馬鞍山

策蹇循澗道躑躅叩西岑百蟲迎我入紛紛羅清唵古
柏上騰猿高楸飛翠禽山鬼睨欲語凜此陰靄淡解衣
挂吟杖爲有白雲心

寒玉泉

白狼山下泉石欄整寒玉華月當夕生瑩光散林屋瓌
然出清籟不住風泉觸鑿之髮可青飲之年可續以此
山中人
不仙而壽福憑汲下脩綆擊破苔衣綠

送行

東裝不可畱匆匆向我發離恨河漢長歡娛成倏忽秋
鴈鳴中天音塵趨消歇不見別時人空見別時月借問
詩鈔彙存
卷十九
嶽西堂藁
三
有嘉樹軒輯
月何其想亦抱殘缺我馬已虺隤爾舟更吳越行矣春
風湍淹遲長白髮

雜詩七首錄三

流螢上青霄野雞號白晝鸞鷲老西山垂翼肅消瘦枳
棘犯翰藻脩藤冑綺繡委落繁穢中文章失妍秀饑斷
玉粒餐渴絕瓊漿漱驚鷲與鷓鴣嗉然嘗其後
下駟衝長風花鬢何颺颺黃金作羈勒光耀罕匹儔朱
門効犇走心顏開五侯騏驎負鹽車繪縊岡坂頭伯樂
不卅出解縛終無繇輾轉泥滓間膺門汗血流
豫章迺大木信爲華棟材孤根三千年川嶽故胚胎屢
瘡飽霜雪鱗甲戰風雷運數薄陽九螾蟻鑽根荻公輸

與王璽大匠安在哉路傍把尋斧拙工恣隳摧

鵝鳴巖

狼山左

鵝鳴巖下白雲棲鵝鳴巖上鵝鳴啼白雲去來何閃倏
鵝鳴逞逞巖上啄我住中間雨絲絲巖傍流水注龜田
一綫暎光逗海樹鵝鳴一聲東山曙

月夜宿竹秋山房看梅

周陸躬齋中

山寂寂月遲遲春風欲吹欲不吹曹子此時薄遊旣晏
沕乎穆乎迺假寐於竹秋之淡館羅浮仙子得得來澹
糝素服影裊裊要眇含情涉溪水水光粼粼復照娟好
之冰腮未贈我以芳詞先遺我以香麝何以報之心銘
恩今夕何夕兮搖蕩我之魂魄何處一聲驚獨鶴夢醒
詩鈔彙存卷十九 嶽西草堂詩集 四 有嘉樹軒輯

幽窗山月落

獨釣

獨釣風潭上桃花一片情船頭高幾許春水夜來生

南沙夜泊

客路滄江晚輕帆細雨斜白頭人似鴈今夜落南沙

寒山夜泊

莫打寒山鐘孤篷岩下歇驚回夢裡人起看吳門月

東臯別陳小山

一見發狂飲何曾說到歸忽聞風外响可是鴈南飛

秋山

盤螺通鳥道飛瀑下雲根欲借秋山住先來看石門

盪槩

鴨背女兒船隔花弄柔艣瞥見鴛央飛淚滴如紅雨

芍藥

自嫁東風斷尺書可人姿態近何如當年相謔還相贈
正是春波渙渙初

荒雞三首

錄二

山後山前籬落晚舍南舍北雨風天
堃翁家在溪村住
一片寒聲下枕邊

江南記得蚤登程撲碎鞭絲馬上情
嶺外半規殘月落
霜橋前路有人聲

老鴈

錄二

詩鈔彙存

卷九

嶽西草堂詩集

五

有嘉樹軒輯

塞北將書意最勤風其吹汝唳頻聞
天涯兄弟知誰在
一片斜陽斷楚雲

西風殘月冷疏更滿地蘆花一片情
若是江湖真住得
春來不作北歸聲

憶梅

一樹幽芳悵隔年曲欄干畔小樓前
春寒不住紛紛雪
犬吠攀花客上船

過狼山吊駱賓王墓四首

錄二

片石畱傳姓字真義烏千載不歸人
神都七廟今何在
只有名山墓逐臣

蕭蕭黃葉下江門千里還來掃墓孫
拜罷有詩焚且去

斷松殘碣哭忠魂

漱香園雜詩錄二

晚覺滄波鷗鷺閑姓名何用挂人間
版兒毡帽蘆花履不好逢迎好看山

豹鼠斑紋石上苔數竿殘竹子猷
栽重重樓閣無關鎖月到籬門風自開

步月

月白溪山客睡遲短筇扶過小橋時
竹籬茆舍何人住夜靜猶聞誦我詩

渡江

樓船打鼓向前行東北風從舵尾生
醉裡不知波浪險詩鈔彙存卷十九
嶽西堂詩集六有嘉樹軒輯

江南城郭又雞聲

過西澗吊韋刺史

滁州那得比蘇州人物風情迥不侔
惟有舊時西澗月還隨旅客上橫舟

錦帆涇二首

何年涇上飛青雀宮女如花開宴酌
句踐樓船下五湖錦帆自向春臺落

紫羅衣帶綠雲鬟歌始開船醉始還
帆錦可憐旋化蝶等閑飛過夕陽山

花步

夕陽滿地亂飛鴉忽漫經過皂帽斜
何處老紅墻外樹

春風吹放兩三花

泛舟石湖

十道紅塵隔此間，數行白鷺下汀灣。
煙蓑雨笠江南客，獨上湖船飽看山。

洪蘭君

錄一

踏殘燈影出城闌，分手河梁欲向晨。
一路梅花江月白，曉寒巾帔獨歸人。
城內踏燈後卽捨去魏子低回送之

作畫

寒樹迷茫吳會寺，春帆縹緲洞庭船。
蛾眉鴈蕩兼天遠，多在先生几案前。

觀冊封琉球圖

詩鈔彙存

卷十九

嶽西草堂詩集

七

有嘉樹軒輯

天使出雄關，封王定百蠻。
一家堯宇宙，萬里漢江山。
大海蛟龍偃，春風節鉞閒。
殊方沾雨露，歌舞鬥鏤間。
門鏤琉球

街道

登狼山

丹梯穿鳥道，扶老叩松關。
樓閣金銀氣，巉巖虎豹斑。
風高疑撼墮，雲斷只依山。
欲問秋僧事，剛逢擲錫還。

過軍山

壑竹蒼山外，香芹白水西。
路循石林轉，鳥上翠微啼。
斧鑿仙人蹟，龍蛇解客題。
上有劉郎石刻題咏高松巢老鶴，先我結

幽棲

過永祜庵訪澣塵上人

檻外高僧在悠然探梵居白雲先客到黃葉半林疏佛
日明心曲天花落課餘徘徊不忍去似我舊匡廬
送人之襄陽

涼風歛不住幾日到襄陽極目蒼山遠隨身一劍長斷
煙江上樹孤鴈月中霜攬袂勸君酒君應盡我觴

白門望月有懷江北同人

千里望秋月清光白露中筇吟天闕畔客散海門東文
酒空花鳥江山入草蟲幽閑與勞苦不寐此時同

登牛首

奇峯天削就雙闕夕陰重古佛浴懸瀑秋曾鞭毒龍山
光吞楚越雲氣盪心胸六代煙霞老寒空拄一筇

詩鈔彙存

卷十九

嶽置堂詩集

八

有嘉樹軒輯

訓孫瓠澗

諱翔字
呂溪

門外通車馬心如住遠山竹風喧處靜蕉雨急中間得
酒思余共將詩老自刪一從新病後索不啟柴關

東川雜詠

鎮場
館次

老屋空桑下荒橋斷柳間波光初作曉霧氣忽成山墊
徑羣花落邨童午課閑枕邊看去鳥風送响關關
訪樵出谷口沽酒問郊端路傍江門近風喧水碓寒白
茅隣嬾屨黃籜笠翁冠不與鄉人處安知禮數寬
小茨牆邊豆寒匏屋角瓜草淡吟蟋蟀風細落松花客
去門還閉詩成日又斜荒村經住慣雞犬混隣家

送姜勿齋歸蒲塘二首

錄一

欲折河干柳遲迴却奈何
可堪愁別緒更比柳條多
古路雙蓬鬢斜陽半擢歌
休將蒲上月只理舊漁蓑

歲暮送嶺山

已經逢歲晚挂席又天涯
林屋歸如夢雲山老不家
敝袍窮海客殘雪半篷花
到處從棲泊何當問及瓜

夕陽

落葉滿天地夕陽空樹枝
人行秋草短鳥散暮烟遲
此色成千古爲歡復幾時
誰當釀滄海醉我碧山歎

同雀子探菊僧房

講照字慧田號
職若海門人

探菊過幽寺山空半圃晴
不花先有意辨葉早知名
冷淡秋僧事蕭疏橙客情
從容談魏晉歸步暮雲橫

詩鈔彙存

卷十九

嶽西堂詩集

九

有嘉樹軒輯

秋草

分明曾過處同伴踏青歸
轉眼非春事含淒向夕暉
風高花隼下霜重野雞肥
爲語王孫道如今歸不歸

山中夜坐

池上鳥栖定山空人語無
當軒梧竹靜對月酒杯孤
丹氣從誰煉僧心似我枯
扁舟尋范蠡此夢已荒蕪

作畫

晚年偷白日信筆寫滄洲
煙樹自爲稿江山忽上樓
跨驢姑孰店聽鳥洞庭舟
彷彿曾經處還來供臥游

客夜

客髻蕭騷日西風不可侵
人如秋欲老淚與夜俱淡
冷

月天邊鴈清霜夢裏砧故園入荒草應有未灰心

遊靈谷寺

城東尋古刹十里入雲根野竹亂無徑寒松澗有門泉聲飛霹靂僧迹溷猓獮漸覺招提熟空山月一痕

夜泊燕子磯

落日蒼山暝荒涼此復畱船依危岸泊秋入大江流疏鴈一天露美人何處樓寒星三四點凝望不勝愁

題陳一齋小照

字興可
漁灣人

世塵紅不盡路滑馬難騎對郭蒼山古當門老樹奇坐依雲作伴心與鶴相知索我題新句頭顱已半絲

憶孫寶林

字蘧聲一號
羣玉山樵

詩鈔彙存

卷十九

嶽西草堂詩集

十

有嘉樹軒輯

雙被館甥口

爲丁個
道人婿

冰玉映當初醉裏詩相和歸來興

有餘雲山隨處屐蟲鳥數行書一旦風流盡騷壇事闕

如

柴門

壑老柴門迥蕭然古岸西溪光臨檻動草色抱檐低風雪歸聞犬桑麻出放雞春醅會熟否悻悻問山妻

壑渡

西北關山路東南水國天終年人送客壑渡雨如烟獨樹邊危岸寒流上破船得非曾過處迴眺不勝憐

廢園

下馬問山庄園翁白髮長邀余入蘿薜揮淚說滄桑老

樹餘花綴疏蟬晚噪涼燕歌賓客地門外有殘陽

荒原

出門望原上且爲立斯須募種田多石荒年地有租晚
菘疏自老秋塚塌常孤不盡愁人處天寒叫白鳥

孤城

一片孤城影垂楊抱郭灣人家臨白水古堞別秋山日
落風傳角天空月近關監門無可問嘶馬去閑閑

殘角

殘角送悲聲將軍正練兵凋弓鳴曉月汗馬刷重營直
使降羌泣因知表海清草枯鷹奮擊移隊獵江城

過林梓辭別沈姑母

詩鈔彙存

卷十九

嶽西草堂詩集

十一

有嘉樹軒輯

至戚唯姑在經年始問安後逢知更少此別得無難路
隔論千里家貧慮百端北風兼雨雪愁我出門單

六合道中

征途行不盡影影趁飛鴻野曠多髡柳山荒有斷蓬攜
裝餐店雨載馬渡谿風問路逢西客江流獨向東

春城

白髮更無家春城天一涯山風乾竹葉溪月冷桃花願
曲官觴幕投瓊客飯衙不愁生計少詩思滿琅邪

宿野廟

客裏蒼山暝前塗去不能樹疏茆屋寺風動古墻鐙僕
馬投窮野鄉關敘老僧就中聊假寐雞唱攬行滕

三皇廟

石上震松老

殿前松
生平石

祠遊沕穆中
皇風扇邃古
山殿枕

鴻濛炙手星辰定
開天日月通
功成不火食
豚酒祝村

翁

經葛城

葛伯夫何處
茫然四望中
干戈終禮樂
人物已沙蟲
墊外牛羊影
山前草木風
倉皇驅馬過
無可問樵翁

郊外

郊外稀人迹
吟筇獨拄閑
雙橋疏樹杪
一寺亂流間
暫與樵夫語
仍隨莫鳥還
薄游無個事
涼月上秋巒

送潘廣文

魯英返臨淮

詩鈔彙存

卷十九

嶽西草堂詩集

十一

有嘉樹軒輯

春色江南晚
長淮雁北天
辭家千里外
送客萬山前
我復空巢幕
君應早着鞭
磨盤峰下路
西去暮雲連

登大觀樓

亦復層樓上
江天縱目間
春燈三楚市
寒雨六朝山
失路從人賤
思家羨鳥還
心如荒草亂
身倚白雲閑

同人約上西湖

錄一

好置杯中物
聯吟直到湖
春帆開百粵
夜雨渡三吳
響屨人歸范
蓉腮妾姓蘇
平生托幽興
飛動不能無

盧龍山訪道士不值

羽客不可見
蕭蕭寒竹存
門畱看院鶴
樹落抱枝猿
藥草清霜覆
丹爐宿火温
得非王屋去
席帽倚松根

經草鞵角廟宿同滁中幕友

水氣人家白山光寺宇青晚涼關鎖落疏雨客燒停訪
竹僧留榻推窗夜看星同羣俱不寐敲店覓江醺

夜渡瓜步

落日秋山外歸心正寂寥孤舟下瓜步七月已寒潮風
轉低側江澗火動搖古來送客地經過一魂銷

歸途口號

斜日雷官渡長風浦口煙萬山驢背上孤店雁聲邊頭
白經離竄才疏合醉眠殘裝歸去路秋草夕芊芊

觀濤

八月秋江上觀濤一改顏天空如覆釜水勢欲吞山雨

詩鈔彙存

卷十九

嶽西草堂詩集

三

有嘉樹軒輯

際歸帆失烟中獨鳥還乾坤流瀨氣振古不曾聞

庚子春日狼山口渡江

春江愁不盡挂席上朝曛離岸一聲櫂開窗萬里雲醉
中堪跋涉老去學辛勤何處蜚鴻唳將無悲失羣

白門秋詠

南國馳驅慣時光任轉遷萬山孤客裏六代一樽前秋
老遲征鴈風靈急莫蟬看囊錢物盡童僕問歸鞭

懷大女閨中

不覺無兒苦年經五十三自從生大女卽算是奇男灑
脫金鑿字清芬道韞譚辦香祝天地因我在江南

懷季蘭

汝生初度睂眉宇見清輝豈有緹縈志居然萊子衣啼
偏因母慣咲不解年饑未審辭家後新添幾許肥

釣罷

一潭秋水約浮萍獨拂香絲竹汗青沾背二三更薄露
點衣四五箇寒星穿魚穉子時扳柳換酒村墟日滿鉗
釣罷小舸輕似葉風漂雨泊蓼花汀

坐聽漁館望溪北田家

陳南浦別業

團住誰家老屋村悠悠北望帶煙痕莊從水抱疑無路
柳向秋疏始見門略約一橫低似檻野航斜泊小于盆
年年晴日年年雨種樹耕耘課子孫

與懷真上人

詩鈔彙存

卷十九

嶽西堂詩集

十四

有嘉樹軒輯

紅塵撒手等浮漚猿狖同羣老故邱疏雨一燈蘿薜夜
曉風孤磬澗天秋不妨壘菊黃于面自笑閑雲白似頭
昔日彩虹橋下別幾年夢到碧山遊

過鶴城登洞賓樓晚眺

日落天低海氣浮蒼茫多感獨登樓仙人此去曾騎鶴
牧豎歸來半趁牛萬竈影重烟火夕三山路斷水雲秋
西風一陣鄉思滿門外蘆花有釣舟

過揚州有懷舊遊

繁華占斷古揚州誰信青春易白頭昔日客從邗上散
到今人換竹西遊蕭條芍藥無金帶飄泊楊花有玉鉤
鑪畔可憐新色笑朝來還解鷓鴣裘

山村

黃茅小築抱山屏中有幽人自著銘點點牛羊來日夕
時時雞犬喚柴扃鬚眉常帶烟霞色兒女閑繙種樹經
早晚鶯聲啼不住綠楊晴雨隔窗聽

見鴈

一聲清唳鴈南飛客裏驚看謾卷幃我厭風塵無可着
渠偕兄弟欲何歸煙寒水國芙蓉老霜落山城橘柚稀
迢遞故人書未到數行空使淚沾衣

寄懷澣塵上人

恒河沙界苦浮沉轉眼方知誤已淡花落山城游子夢
月明滄澥老僧心得逢白社聯真契一任紅塵失賞音
詩鈔彙存卷十九 嶽菴堂詩集 十五 有嘉樹軒輯

見說新裁詩最好碧峰貽我和彈琴

寄懷蒲怵

字悅鳧號曉
江清河縣人

昔時把臂少年場識得千將最有芒千里夢魂書斷絕
三秋期會事參商會訂每逢秋闈一會然
彼此去來或不能定散歸雲海無
詩侶看取衣斑念酒狂別後可還顏色好屋梁斜月落
昏黃

劉子割股飼母

字步雲
海安人

七尺軀償一寸膚人猶自願情區區豈知母有心頭血
多爲兒生膝下枯事急鬼神原可格古來忠孝屬眞愚
海陵志上編君傳先繪并州快剪圖

看梅

落後經年無好夢開時別樹總非春我來祇爲尋高士
看去渾如對古人亦恐鄉愁從此亂那堪尊酒不相親
等閑莫謾吹山笛畱伴池臺月色新

徐秋垌畱飲

諱攀龍字利仁漁灣人

雲山迴望鬱蒼蒼事歷艱辛豈任忙拚我窮愁還道路
動人歌哭是文章三年白下畱詩債一夜燈前作酒狂
世上豈真無伯樂可由老馬亦騰驤

新寒將赴彭城

野曠天低夕照沈孤篷欲發早驚心新寒作客人衝鴈
昨夜裝綿母斷鍼白屋幾年邊海住丹楓千里入淮濱
颺颺蓬鬢逢誰語愁聽風前急暮砧

詩鈔彙存

卷十九

嶽西堂詩集

六

有嘉樹軒輯

漁灣歸櫂

布帆迢遞別漁灣兩岸風花送客還日落西原紅半樹
雲垂南畔黑諸山狂名早任傳詩社離袂歸應看酒斑
前路不須愁寂莫枕邊敲聽鳥關關

同人散步南郊

岸仄橋欹路可通夕陽新漲兩微濛紅牆古寺淡松裏
白版孤村亂水中詩就同人春雨潑謂李紅橋宋六甫范櫛牛與生
開士澗雲空謂慧照應圖此日經游事直向東山訪謝公

石農善書

登金山

南國峯巒玉削成江流四面怒潮生人如跨鶴天邊落

路似梯鼇澗上行神禹萬年畱斧跡山僧六月聽秋聲
祇愁禦寇風吹去漸覺羅衫兩袖輕

登攝山

岷嶽孤峯倚大清瘦藤扶我石邊行龍江白水穿迴峽
鐵甕青山走向城人飲花間雲吐納僧歸竹外鳥逢迎
等閑學得飛昇術風送寒空笑語聲

郭公墓

卜得江心作化城不勞封樹自成塋一棺以外天空濶
流水之中事變更白鶴乘雲爲弔客漁翁抱槳攢先生
儘教陸海膏腴地畱與人間盡力爭

燕子磯晚渡

詩鈔彙存

卷九

留草堂詩集

七

有嘉樹軒輯

百怪驚看似有無檣傾舵仄破風徂潮頭觸壁青山縮
石勢欹空白浪扶暮氣江光相激蕩艫聲人意兩枝梧
輸他洞口漁家在老伴蘆花酒自沽

白下吟四首

南來京國向天涯潮打空城晚照斜樂苑人煙收夜市
後庭風雨葬殘花牛羊郭外寒沙路鷺鴨江邊老婦家
舊事于今磨滅盡水禽啼過破篷艖

層出諸峯落鴈前千秋遺事白沙邊西州城寂春如夢
東冶亭空月可憐開遍壑花非玉樹踏殘人迹不金蓮
漁翁指點三山路蘆荻秋陰曳釣船

繁華一去豈能畱亂石寒煙古御溝六代宮墻鷓曉暮

三山道路草春秋江僧打飯歸陰洞水鳥銜花上破樓
欲問昔時鞍馬客風流雲斷不勝愁

青山迴望入煙蕪城郭依稀物態殊王謝故園秋牧馬
齊梁舊苑夜啼烏人逢竹葉思羊駕水逗鴈肢上井轆
何處篴聲傳折柳鄉愁不盡釣篷孤

上雞鳴山

峇峩山寺俛城隍履齒穿苔滿逕荒低亞古墻雙樹老
晚吟黃葉一蟬涼碑殘過客摩秋草鐘破歸僧打夕陽
見說蕭君開館處衣冠景物兩微茫

題桃葉渡

綠雲紅樹總非春過客題詩淚滿巾今日可憐城下水
詩鈔彙存卷十九嶽草堂詩集

十六

有嘉樹軒輯

昔時解送渡頭人風歟葉落飄何許山替眉尖畫不勻
得失萬般如雪澹古來離別最傷神

項羽

八千子弟起江東勃敵聞聲走下風不殺太公猶長厚
能容樊噲卽英雄美人氣節三軍重駿馬神威四海空
若得范增身不死漢家盡作楚王宮

韓信

秦時郡縣漢山河背水囊沙戰伐多一代功名成赤帝
半生興廢屬蕭何才如相角誰當下忠亦難憑事每訛
此日淮陰城畔望寒潮全沒釣魚坡

江行

布帆斜挂入寒煙，葦岸莎洲望處連。
瓜步人家秋樹外，秣陵城郭暮潮邊。
鷺從二水啣魚起，雲到三山在管先。
莫問中流船勢側，旅魂經過已多年。

瓜洲晚渡

潮落瓜洲一啟扉，徬徨欲渡拂征衣。
風吹埜館紅蓮折，日下秋蕪白鷺飛。
山色趁人京口去，水聲拋客海門歸。
此來生計贏多少，不及寒潭有釣磯。

龍潭早發

十里征鞍曙未侵，前途風景最蕭森。
昏黃淡月欹驢背，牢落寒星點客襟。
白霧一橫疑海立，青天半壁覺山沈。
紛紛不住雞聲裏，啼碎行人過往心。

詩鈔彙存

卷十九

嶽西草堂詩集

九

有嘉樹軒輯

過古清流關

關在嶺上有關公周將軍遺蹟

雄關踞嶺瞰清流，險要淮南第一州。
八省往來山上下，六朝防衛古咽喉。
神人馬跡穿雲棧，力士刀瘢劈石頭。
如此崎嶇鄉國遠，仲宣魂斷夕陽樓。

上烏衣酒樓

天涯何處問游羣，獨倚山樓酒半醺。
把劍浪彈千里劍，舉觴飛送六朝雲。
街前傀儡新歌扇，江上琵琶老畫蓑。
秋草欲尋王謝宅，華胥歸燕已紛紛。

歸舟夜泊

豈宜衰病老侵塵，歸計仍應問水濱。
七八月江初作令，兩三船火自成隣。
鄭公風裏還家夜，嘆父山前不寐人。

淡鎖龍宮魚鑰靜幾曾嘗得淚霑巾

西莊看菊贈李懋修義方叔姪

解天風景入秋涼
籬落過尋策自將花放始知君有癖
隣稀獨傍水爲鄉
漁樵疏散杯羹集歲月寬閑種樹忙
初到竹林逢二阮
髭鬚襟帶亦芬芳

詠讀書樓入景錄四

周陸舫園居

漁火

何時結就海鷗盟
收拾漁篷過此生
一笛晚風歸岸口
半篙新漲宿灘聲
杯寬兒女團圞醉
火傍蒹葭聚散明
來日更移栖泊處
坐觀流水亦多情

夕陽

詩鈔彙存

卷十九

嶽壘堂詩集

十

有嘉樹軒

匆匆亦似客還家
光景無涯却有涯
濃綠影從平楚合
斷紅飛上半樓斜
池邊宿鳥爭尋樹
院外歸僧隔亂花
鼓缶作歌愁已暮
教人閑坐算年華

遠帆

舸船花外影微微
去住因風帶晚暉
流水那知行色苦
布帆常與客魂飛
難堪世上無如別
好殺天涯不當歸
獨有樓中人倚嘯
落英滿地揜荆扉

小市

荒郊凝望起寒烟
亦說居奇託此邊
茆屋幾家成列肆
酒旗當樹挂多年
鄉鄰逐末官無稅
兒女挑燈夜幾
愚賤爲生都有術
擁書相對轉茫然

上虞山

獨上春山倚碧空，江湖淮海四圍中。孤城忽架新盤立，
溪洞潛疑別世通。太伯弟兄商道古，子游文學杏壇風。
至今鄉土遵遺俗，祠廟人來薦晚菘。

吳門春曉

恰恰啼鶯枕上催，千家門戶一時開。市隨過客吹簫轉，
春逐長洲走狗來。越女紅裳新步履，吳王玉舊歌臺。
等閒却把魚腸劍，脫與當鑪換綠醅。

蘇臺覽古

畫戟珠旗擁翠臺，吳王躍馬射鷗迴。威加楚越長歌舞，
坐嘯江山一酒盃。左右美人通戰法，六千君子破潮來。
詩鈔彙存卷十九 嶽西堂詩集 三 有嘉樹軒輯

鴟夷底事隨波沒，空國曾無將相才。

春莫

江南遍地煥香時，欲換春衣恨已遲。隴麥漸高驕白雉，
山花亂落惱黃鸝。家傳錦字多緘淚，身在離亭正夢兒。
歸計不知何日就，此番心事碎如絲。

平江寒食

梅里家家元鳥社，楓橋個個白魚船。三年兩客逢寒食，
一鉢千難薦墓田。識路從人驅老馬，繞朝何日贈行鞭。
平江不盡牽愁處，亂柳殘花入禁烟。

白門送成默園北上

諱大士字雲章海門人

客路盤桓易夕曛，人生那得不離羣。送君淮北千行柳，

留我江東一弁雲賢聖酒從天聚散短長亭有禁平分
狂歌拔劍尊前舞底事臨歧顧慮紛

早發丹陽

丹陽茆店一聲雞上路輕裝促早攜前去已聞車薄薄
後來無數客栖栖山如酒暈和雲睡鳥笑人忙隔樹啼
十里經行天未曉殘星欲落月沈西

癸卯自白下歸

客路長風吹敝裘陰殘驢背下輕舟三年辛苦江流水
兩字功名海上樓西望浮雲空自暮東歸老屋不宜秋
文君可復能謀酒莫遣相猜怨白頭

書嶽西草堂

詩鈔彙存

卷十九

嶽西草堂詩集

三

有嘉軒輯

無稅無租負郭居好風好月愛吾廬草深窮巷流鶯到
葉落寒林返照疏十里春山攜酒榼一竿秋水釣鱸魚
先人未了平生稿欲效龍門續父書

